

支那通史

那珂通世編

卷三下

伊 39 4

リ 8
39
4 卅



那珂通世編

第三卷下

支那通史

東京中央堂發兌

第六篇 唐下

第一章

藩鎮跋扈

附德宗失政

六二初西魏宇文泰為府兵法置百府府有郎將分屬二十四軍籍
二節民為府兵以農隙教戰馬畜糧備六家供之太宗本其制置折衝
 府六百有餘皆隸諸衛及東宮六率十人為火火有長五火為隊
 隊有正六隊為團團有校尉每府三四團折衝都尉領之民年二
 十為兵六十而免當宿衛者番上兵部以遠近給番遠疎近數皆
 一月而更有征行則命將將之事解輒罷兵散於府將歸於朝其
 後法制漸壞衛士逃匿日衆開元中張說建議募壯士充宿衛尋
 定長從宿衛之士名曰彍騎總十二萬人分隸十二衛州縣毋得
 雜役使自此府兵死亡者有司不復點補宿衛邊戍皆召募向足
 兵農始分六二唐承周隋之制於諸州要重地設總管府以總鎮
 兵後改曰都督府而州縣之政則朝廷時遣使巡察睿宗置二

門 卷 四



十四都督以糾刺史以下善惡已而以其權太重罷之更置十道

按察使玄宗改十道為十五道分關內置京畿今陝西西安鳳翔同州興安四府及邠乾商三州

分河南置都畿今河南河南懷慶二府開封府西境及陝汝二州分山南為東西二道山南東道今湖北大州及河南

南陽府四川夔州府山南西道今陝西漢中府及四川東北境分江南為江南東西黔中三道江南東道今江蘇

黔中道今四川西陽州湖北施南府湖南西境及貴州大半道置採訪處置使以檢

察非法如漢刺史之職六二節高宗以來邊州都督帶使持節者有

節度使之號玄宗於四邊皆置節度使每以數州為一鎮迨天寶

初有十大鎮安西節度治安西都護府統龜茲焉耆于闐疏勒四鎮撫寧西域北庭節度治北庭都護府統焉耆于闐疏勒四鎮河西節度治涼州今甘肅涼州府斷割吐蕃突厥朔方節度治靈州安北單于二都護府屬之捍禦突厥河東節

度治太原與朔方犄角以禦突厥范陽節度治幽州臨制奚契丹平盧

節度治營州安東都護府屬之鎮撫室韋靺鞨隴右節度治鄯州今甘肅西寧府備禦吐蕃劍

南節度治益州今四川成都府西抗吐蕃南撫蠻獠嶺南節度治廣州今廣東廣州府安南都護府屬之綏

靜南海諸國鎮兵凡五十萬人六二節節度使各統數州州吏盡為

其屬故多兼按察採訪安撫支度等使既握甲兵又掌土地人民

財賦於是方鎮日強國勢偏重竟致天寶之亂及安史據洛陽河

南山南江淮諸道亦皆列置鎮府州縣之政多歸於武臣之手矣

六二節祿山之反也平盧諸將劉客奴董秦王玄志等舉鎮歸朝玄

宗以客奴為節度使賜名正臣已而玄志醜正臣代之玄志卒肅

宗遣中使往撫將士察軍中所欲立者以旌節授侯希逸自是諸

軍驕橫動輒殺逐主帥朝廷亦不治其罪也董秦入朝賜姓名李

忠臣後為淮西節度使領蔡州今河南汝寧府希逸移鎮淄青領淄沂青徐密海六州治青州

田承嗣李懷僊皆降懷恩恐賊平寵衰奏留嵩等分帥河北自為

黨援朝廷亦厭苦兵革苟冀無事即以忠志鎮成德軍領恒趙深定易五州治恒州今

直隸正定府賜姓名李寶臣嵩鎮相衛領相州今河南彰德府承嗣鎮魏博領魏博

德滄瀛

五州治魏州今領幽薊瀛平營六懷僊鎮盧龍州治幽州故范陽郡永泰元年代宗三年我稱德

河北諸鎮皆結為婚姻互相表裏收安史餘黨治兵完城不供貢

賦代宗不能制八節大曆三年代宗六年我稱德幽州將朱希彩殺李

懷僊自稱留後七年我光仁帝將吏又殺希彩推朱泚為帥八年相

衛薛嵩卒叔父孛代之朝廷皆因授旌節九年朱泚入朝使弟滔

領鎮十年魏博田承嗣襲取相衛十四年承嗣卒姪悅代之淮西

將李希烈逐李忠臣詔以希烈為留後是歲代宗崩在位十七年

太子适立是為德宗九節德宗初立勵精求治革弊政去奢靡李

正己畏帝威名表獻錢三十萬同平章事崔祐甫請遣使慰勞淄

青將士因以其錢賜之正己慚服時人以為太平庶幾可望帝上

相於祐甫祐甫薦楊炎擢同平章事既而祐甫病不視事建中元

年我寶龜炎建議作兩稅法事詳第九篇六三當玄宗時中國富庶

民口至五千餘萬安史之亂什亡七八州縣多為藩鎮所據貢賦

不入國庫耗竭中原多故戎狄連歲犯邊所在宿重兵給費不貲

皆倚辦於劉晏晏善治財計自肅宗以來領度支鑄錢鹽鐵轉運

等使幹鹽利通漕運制百貨之低昂軍國之用賴以充足而民不

困弊至是楊炎忌晏譖貶之人希炎旨告晏怨望德宗遣中使縊

之二年我光仁帝擢盧杞與炎並相杞貌醜色如藍性陰狡有口辨

逐炎殺之而專權朝政自此亂矣六三成德李寶臣卒子惟岳代

之平盧李正己亦卒子納代之魏博田悅與納惟岳連兵拒朝命

德宗遣馬燧等討之三年我桓武帝燧大破悅等成德將王武臣殺

惟岳代之與幽州朱滔共發兵救悅悅等推滔為盟主滔乃自稱

冀王悅稱魏王武俊稱趙王納稱齊王各置百官仍用唐年號如

古諸侯奉周正朔淮西李希烈亦舉兵應四鎮盧杞惡顏真卿欲

陷之四年遣宣慰希烈人言失一元老為國家羞真卿至希烈脅

之不屈留二歲竟被殺六三德宗用兵兩河謂河南河北府庫不支先括

富商錢又增諸道稅竟行稅間架除陌錢法稅間架者計民屋廣

狹課稅除陌錢者公私給與及賣買每百官留五錢敢隱匿有罰

告者賞錢使坐者出之於是愁怨之聲盈於遠近六三帝發涇原

鎮名領二州治涇州等道兵討李希烈涇原兵過京師詔犒師惟糲食菜餃衆

怒作亂入城帝出奔奉天縣名屬京兆府今陝西乾州亂兵奉太尉朱泚為主司

農卿段秀實謀誅泚不克而死泚稱秦帝急攻奉天渾瑊力拒李

懷光李晟帥衆赴援泚敗歸長安懷光至奉天欲入白盧杞之姦

杞隔之不得入見而行意殊怏怏上表暴杞罪惡衆論亦喧騰咎

杞帝不得已貶之六三帝使人說田悅王武俊李納赦其罪賂以

官爵悅等皆密歸款陸贄勸帝罪己以謝國人故奉天所下書詔

雖驕將悍卒聞之感泣興元元年德宗五年大赦罷間架除陌等稅武

俊悅納皆去王號上表謝罪惟李希烈恃富強遂僭號楚帝六三

李懷光反於咸陽與朱泚連兵帝奔梁州今陝西漢中府懷光東據河中李

晟督諸軍克復長安泚西走其將斬之以降帝還長安貞元元年

德宗六年馬燧等平河中懷光縊死二年淮西將陳僊奇殺奇烈以降

吳少誠又殺僊奇帝因以少誠領鎮六三代宗嘗徵李泌於衡山

與議國事欲授以相位泌固辭而止德宗又徵之遂以同平章事

泌有謀畧盡心輔導帝頗任之為相二歲而卒八年陸贄同平章

事十年以論裴延齡奸邪罷相贄自奉天以來宣力最多隨事論

諫剴切百奏帝追仇盡言延齡又譖之十一年貶忠州今屬四川省別駕

初泌薦處士陽城為諫議大夫夫人皆想望風采在職七年而不諫

韓愈作爭臣論譏之至是城率諸諫官守闕論延齡姦佞贄無罪

時且相延齡城曰脫以延齡為相當取白麻壞之慟哭於庭遂沮

不相城坐貶白麻者任將相制書也六三是時藩鎮布列四方凡

四十餘道兵強則逐帥帥強則叛君兩河諸鎮幽州成德魏博平盧淮西等驕傲最

甚殆同化外吳少誠侵掠隣州十六年命韓全義統十七道兵討之官軍不戰而潰明年詔赦少誠德宗性多猜忌用賢不終寵任闡官及貪吏末年稅政益多其處藩鎮也姑息而已在位二十六年崩太子誦立是為順宗

第二章 憲宗英武

六三順宗有風疾失音即位僅八月傳位太子純是為憲宗憲宗初立與同平章事杜黃裳論及藩鎮黃裳陳姑息之弊欲以法度裁制諸鎮帝深然之元和元年我平城帝大同元年西川節度使領益彭蜀漢眉嘉邛簡資茂黎雅等州治劉闢侵東川鎮名領梓遂綿劍普榮陵合渝瀘十州治梓州今四川潼川府黃裳薦高崇文討之崇文克成都擒闢送京師斬之夏綏鎮名領夏銀宥四州治夏州留後楊惠琳拒命詔討之惠琳為兵馬使所斬二年鎮海節度使領潤蘇常湖杭睦六州治潤州今江蘇江寧府李錡反亦討之兵馬使執錡送京師斬之六三九節自杜黃裳以後相繼為相者武元衡裴垪李藩李絳皆賢相惟李吉甫頗佞媚垪器局峻

整人不敢干以私藩絳皆好直諫知無不言帝重之絳數與吉甫爭論於帝前帝多從絳言時在朝名士如崔羣白居易等皆讜讜直元和之世朝廷清明以此六四七年我嵯峨帝弘仁三年魏博節度使田季安田承嗣之孫卒將士推兵馬使田興為留後興請吏於朝輸貢賦詔以為節度使遣裴度宣慰賜錢百五十萬緡犒其軍六州魏博相衛貝瀛百姓皆給復一年軍士受賜歡聲如雷諸鎮使者見之相顧失色平盧淮西成德皆遣遊客間說多方興終不聽賜興名弘正六四一節初淮西節度使吳少誠卒其將吳少陽自領軍府陰聚亡命少陽卒子元濟代之縱兵侵掠及東畿十年詔發十六道兵討之平盧節度使李師道李納之子成德節度使王承宗王武俊之孫皆請赦元濟不許裴度宣慰淮西行營還言淮西可決取帝悉以兵事委武元衡師道素養刺客姦人客請曰密往刺元衡則佗相必爭勸天子罷兵矣師道遣之元衡入朝賊暗射殺之又擊裴度傷首帝怒討賊愈急曰

吾倚度一人足破二賊以度同平章事委以兵事諸軍久不克十二年度兼淮西宣慰招討使督諸將進討唐鄧節度使領唐隨鄧三州治鄧州今河南屬州李迥李晟之子先擒賊將李祐釋而用其計雪夜引兵襲蔡州城擒元濟檻送京師斬之六四淮西已平諸鎮皆懼十三年王承宗納質請吏且獻二州幽州節度使劉總亦專意歸朝惟李師道依違不服詔諸道討之十四年田弘正李迥敗平盧兵平盧將執師道斬之代宗以來兩河跋扈垂六十年至是盡遵朝命矣六四自淮西平帝浸驕侈度支使皇甫鎛鹽鐵使程异以聚斂有寵並同平章事朝野駭笑元和之政非矣鎛黨擠裴度罷其政出為節度使度自此無意世事治園池與詩人觴詠自娛穆宗敬宗時皆一入輔政至文宗世亦平章軍國重事與時浮沈而已然四朝將相威望遠達四夷四夷見唐使輒問度安否以身繫國家輕重如郭汾陽者二十餘年

第三章 宦官之禍

六四太宗定制內侍省不置三品官黃衣廩食守門傳命而已中宗時嬖倖多宦官漸盛玄宗誅太平公主以內給事高力士有功擢為右監門將軍知內侍省事是後宦官除三品將軍者寔多玄宗豪奢宮嬪至四萬閹宦隨增員衣朱紫千餘人黃衣以上三千餘人力士與楊思勳最貴幸思勳數將兵出平叛蠻以功為輔國大將軍力士常居中侍衛表奏皆先呈力士然後奏御小事即決之勢傾內外加驃騎大將軍肅宗在東宮以兄事之諸王公主呼為翁自李林甫安祿山輩皆由之以取將相然性和謹不敢驕橫故玄宗終親任之士大夫亦不甚疾也六四肅宗代宗皆庸弱倚宦官為扞衛於是有李輔國程元振之專橫李程既黜魚朝恩為天下觀軍容宣慰處置使專典禁兵權寵無比大曆初判國子監事宦者管國學儒門之大辱也時元載王縉為相紀綱不修朝恩

執易升高座講鼎覆餗以譏之縉怒載怡然朝恩曰怒者常情笑者不可測也朝政有不預者輒怒曰天下事有不由我者邪代宗聞之不懌載乘間奏其專恣不軌遂誅之六四節德宗懲涇卒之變

且猜忌宿將以左右神策神威等軍委內官主之置護軍中尉自是禁軍常屬閹寺又有樞密之職機務之重亦為所參預攬權樹

威挾制中外主勢下移積重難返憲宗自恃英武禍生於所忽嘗

寵吐突承璀以為神策中尉承璀欲立豐王憚為太子太子恒憂

之元和十五年我嗟峨帝弘內常侍陳弘志弒帝其黨共殺承璀及憚

引太子立之是為穆宗六四節穆宗在位四年崩太子湛立是為敬

宗穆敬荒淫無度樞密使王守澄專制國事是時河朔三鎮魏博成德幽州

皆叛迄於唐亡不能復取敬宗性褊急動捶左右皆怨懼在位二

年為宦官所弒守澄等發禁兵討賊斬之迎皇弟江王涵立之更

名昂是為文宗六四節文宗太和二年我淳和帝天長五年親策制舉人時宦官

益橫權出人主之右人無敢言賢良方正劉蕡對策極言其禍考

官皆歎服而不敢取裴休李邵杜牧等二十二人中第皆除官物

論囂然稱屈諫官御史欲論奏執政抑之李邵曰劉蕡下第我輩

登科能無厚顏上疏乞回所授官以旌蕡直不報六四節文宗素患

宦官強盛擢宋申錫同平章事與謀誅之五年中尉王守澄等使

人誣告申錫謀廢立帝信之貶申錫坐死徙者數十百人帝惡鄭

注媚附守澄欲誅之然畏守澄釋之後卒寵之注引李訓見守澄

守澄以薦於帝訓儻尚氣多權數帝悅之訓注揣知帝意數以

微言動之帝告以誠二人遂以誅宦官為己任九年我仁明帝承和二年進擢

宦者仇士良以分守澄之權訓頗忌注託以中外協勢出注鎮鳳

翔鎮名治鳳翔府兼鎮隴州訓同平章事先遣中使酖殺守澄尋令人奏金吾聽事

後石榴有甘露時人皆以甘露為祥瑞宰相帥百官稱賀訓勸帝

往觀帝先命宰相視之訓還奏非真帝顧仇士良令帥諸宦者往

宦官之禍 五十三

視士良等至俄風吹幕起見執兵者無數驚走告變訓呼金吾衛士等上殿縱擊僅殺傷十餘人訓知事不濟而走士良等命神策兵出戰殺吏卒二千餘人執宰相王涯賈餗舒元興等誣以謀叛腰斬之訓被捕死注亦為鳳翔監軍所斬皆滅其族孩穉無遺世謂之甘露之變自是宦官氣焰益熾迫脅君主陵暴朝士國事皆決於北司宰相行文書而已六四九節文宗即位初勵精求治去奢從儉中外翕然謂太平可冀然制於宦寺竟不能有為末年問學士周墀曰朕何如周赧漢獻墀驚曰彼亡國之主豈可比聖德帝曰赧獻受制強諸侯今朕受制家奴殆不如也泣下霑襟在位十四年立敬宗子陳王成美為太子臨崩欲以成美監國仇士良等以成美立不由己矯詔廢之立皇弟穎王瀍為太弟帝崩太弟殺成美而即位後改名炎是為武宗六五〇節武宗時士良以老病致仕其黨送歸士良教之曰天子不可令閑常宜以奢靡娛之使無暇及

他事慎勿使之讀書親近儒生彼見前代興亡心知憂懼則吾輩踈斥矣其黨拜謝而去六五二節是後宣宗懿宗僖宗昭宗亦皆宦官所立宰相不得預知居肘腋之地為腹心之患其勢既成雖有英君亦無如之何公卿大臣俯伏受制雄藩巨鎮多出其門至自稱定策國老目其主為門生禍始於玄宗盛於肅代成於德宗至昭宗而極其間傷賢害能召亂致禍賣官鬻獄沮敗師徒蠹害蒸民者不暇徧舉也

第四章 牛李之黨

六五三節李吉甫相憲宗時牛僧孺李宗閔對制策譏切時政吉甫惡之穆宗初吉甫子德裕為翰林學士構貶宗閔自是各分朋黨更相傾軋穆宗以僧孺為相德裕出外敬宗初僧孺亦出文宗徵德裕為兵部侍郎裴度薦其可為相宗閔有宦官之助遂相因出德裕且引僧孺並相相共擯逐德裕之黨六五五節德裕鎮西川日召老於

邊事者訪以地勢皆若身歷練士卒葺堡障以備邊蜀人安之太和五年我淳和帝天長八年吐蕃將悉怛謀以維州今四川茂州保縣叛請降於唐德裕

受之時吐蕃方與唐和僧孺恐失信於隣國詔歸城及叛將吐蕃誅之境上德裕由是怒僧孺益深六五僧孺罷德裕入相宗閔亦

罷宗閔再相德裕又罷二黨互相擠援文宗每歎曰去河北賊易去朝中朋黨難宗閔尋罷及武宗立召德裕相之會昌二年我仁明帝承和

十德裕追論維州事加悉怛謀褒贈六五昭義節度使領澤潞磁邢洛

而授之則威令不復行於諸鎮矣武宗問何以制之對曰鎮所恃者三鎮但得鎮州名即故恒州謂成德軍魏即魏博不與之同鎮無能為也遣重臣諭

鎮魏討之乃賜詔曰澤潞一鎮與卿事體不同勿為子孫之計使存輔車之勢鎮魏悚息聽命官軍與二鎮兵各進討六五四年河

東都將楊弁作亂逐節度使武宗遣中使曉諭且覘之中使受賂還言其強盛難取德裕奏微賊決不可恕如國力不支寧捨劉稹

河東兵出戍者聞朝廷令客軍取太原恐妻孥被屠乃歸擒弁送京師斬之未幾劉稹勢窮蹙路人殺稹以降澤潞平德裕秉政日

久好徇愛憎誣僧孺宗閔與劉從諫交通遠竄之六年武宗崩宣宗立宣宗惡德裕之專罷其政三貶至崖州今廣東瓊州府司戶以死

第五章 宣宗明察

六五宣宗名忱憲宗庶孽子也於敬文武為叔父初封光王幼號不慧太和以後益自韜匿文宗好誘其言以為戲笑武宗豪邁尤不

禮之武宗疾篤中尉馬元贄等定策禁中立為皇太叔權勾當軍國事裁決咸當理人始知有隱德遂承武宗後六五肅宗時吐蕃

強大党項諸部畏逼請內徙散處靈夏今甘肅寧夏府屬州慶今甘肅慶陽府等州後寢繁盛數寇掠其留者皆役屬於吐蕃會昌以來吐蕃衰亂宣宗大

中三年我仁明帝嘉祥二年隴右諸州歸唐五年我文德帝仁壽元年沙州今甘肅安西人張

義潮亦以河西降於是河湟故地盡復宣宗欲遂平党項從容與

學士畢誠論邊事誠具陳方畧帝悅曰不意頗牧近在禁廷即用

為邠寧帥領邠寧慶行四州治邠州誠招降党項北邊始安六五九節宣宗聰察強記

有司奏全國獄吏卒姓名一覽皆記之嘗密令學士韋澳纂次州

縣境土風物及諸利害為一書號曰處分語刺史有入謝而出者

曰上處分本州事驚人澳問之皆處分語中事也好扶摘隱微以

驚服羣下小過必罰而大綱不舉外則藩方數逐其帥內則宦者

握兵柄自如也然聽納規諫重惜爵賞恭謹節儉惠愛民物故大

中之政訖於唐亡人思詠之謂之小太宗六六〇節宣宗嘗召韋澳屏

左右問之曰近日內侍權勢何如對曰陛下威斷非前朝比帝閉

目搖首曰全未全未尚畏之在又嘗與宰相令孤絢謀盡誅宦官

絢恐濫及無辜密奏曰但有罪勿捨有闕勿補自然漸耗至盡宦

者竊見其奏由是益與朝士相惡南北司如水火矣帝長子鄆王

淮無寵十三年我清和帝貞觀元年帝疾篤密以第三子夔王滋屬樞密使王

歸長等使之帝崩中尉王宗實殺歸長等迎鄆王立之是為懿

宗

第六章 唐末大亂

六六姚州今雲南楚雄府屬州之西有六詔詔者蠻語謂王也蒙舍詔最在南今雲

南地至酋龍皮邏閣六世孫稱帝國號大理出兵陷播州州名今貴州遵義府邑州名今廣西南寧府安

南懿宗遣將擊之發徐泗兵戍桂州今廣西桂林府過期不得代咸通九年

招討使康承訓以沙陀朱邪赤心為前鋒擊平之沙陀出自西突

厥勁勇冠諸胡初屬唐後附回紇及吐蕃元和中舉部歸唐唐置

之北邊用以征討所向皆捷至是賜赤心姓名李國昌為大同軍

五十六

節度使領雲朔蔚三州治雲州今山西大同府尋遷振武軍領綏銀麟勝等州治單于都護府六六懿宗好奢侈

每遊幸扈從十餘萬人用兵不息賦歛愈急在位十四年崩宦官

立帝少子普王儼時年十二是為僖宗僖宗專事遊戲政事一委

中尉田令孜呼為阿父籍兩市商貨悉輸內庫有陳訴者杖殺之

關東水旱州縣不以實聞百姓流殍無所告所在相聚為盜六六

乾符二年我貞觀十七年王仙芝倡亂于曹州名今山東曹州府曹縣浞句縣名屬曹州故

城在曹州府城西南人黃巢聚眾應之仙芝橫行河南山南江淮諸州侵掠累

年敗于申州今河南汝寧府信陽州殪于黃梅縣名屬蘄州今屬湖北黃州府黃巢陷鄆州名今山東泰安府東平

州沂州名今山東沂州府濮南渡陷江西即江南西道諸州攻剽福州州名今福建福州府建州名今福建西

寇嶺南北屠潭州今湖南長沙府敗于荆門縣名屬荊州今湖北安陸府荊門州東走轉掠江南廣

明元年僖宗七年我陽成帝元慶四年渡江渡淮進陷東都鼓行而西破潼關入長安

僖宗奔蜀巢殺唐宗室自稱齊帝六六李國昌之子克用為兵馬使戍蔚州隸大同軍今屬直隸宣化府大同軍諸將謀曰今天下大亂朝命不行此

乃英雄功名富貴之秋也李振武名聞天下其子勇冠諸軍若輔

以舉事代北不足平也遣人潛往說克用克用乃趣雲州大同軍治所取

之已而為盧龍兵所破國昌亦戰敗部眾潰父子亡入韃靼本韃靼之別部

居陰山之北後為朝廷赦其罪召使討賊中和二年僖宗九年克用將沙陀

來兵皆衣黑賊憚之曰鷓軍至矣當避其鋒三年與諸道兵大破

賊復長安黃巢焚宮室遁去官軍入城焚掠坊市無異於賊詔以

克用為河東節度使四年巢趣汴州宣武軍治所今河南開封府克用等追擊破之

賊黨斬巢以降六六碭山縣名屬宋州今屬江蘇徐州府人朱溫為巢將從入關見巢

勢蹙降于唐賜名全忠為宣武節度使領汴宋毫潁等州治汴州克用之至汴也

全忠館之甚恭克用乘醉頗侵之全忠不平發兵圍攻克用遁歸

晉陽治甲兵表請討全忠詔和解之不聽六六光啓元年僖宗十二年

帝仁和元年帝還長安田令孜忌河中帥王重榮欲徙之重榮不肯令孜

遣邠寧帥朱玫等攻河中克用救之進逼京城令孜劫帝奔興元

唐末大亂 五十七

府名故梁州今陝西漢中府

長安復為亂兵焚掠二年攻立襄王煜肅宗玄孫稱帝攻將

王行瑜斬攻煜奔河中重榮殺之傳首行在三年帝始逐令攻尋

還長安六六節僖宗在位十五年日與宦官相處而已國內大亂盜

賊蠶起豪傑因起其間互相吞噬朝廷不能制帝疾大漸觀軍容

使楊復恭立皇弟壽王傑為太弟帝崩太弟即位是為昭宗昭宗

有英氣抱恢復之志尊禮大臣夢想賢豪踐祚之初中外忻忻焉

然而內制於閹寺外有強鎮初志遂空六六節乾寧二年昭宗七年我字多帝寬平七年

靜難軍號節度王行瑜鳳翔李茂貞鎮國軍號治華州今陝西同州府屬州韓建三帥舉

兵犯闕殺宰相謀廢立聞李克用來討乃去克用克邠州行瑜走

死將移兵鳳翔貴近恐沙陀太盛沮之克用進爵晉王還晉陽三

年茂貞復犯闕昭宗奔華州長安宮室市肆燔燒俱盡茂貞韓建

聞朱全忠營洛陽宮將迎駕皆懼光化元年昭宗十年我醍醐帝昌泰元年奉帝歸

長安六六九節二年帝與宰相崔胤謀殺兩樞密使宦官皆懼中尉劉

季述勤兵幽帝迎太子裕立之胤說神策將討季述天復元年昭宗十三年

年我醍醐帝延喜元年季述等伏誅帝復位黜裕為德王六七節崔胤欲盡誅宦

官知謀泄事急遣朱全忠書令以兵迎駕是時全忠既并兩河諸

鎮取河中晉州名今山西平陽府絳州名今屬山東有挾天子令諸侯之意得胤書速

舉兵來中尉韓全誨等劫帝如鳳翔二年全忠圍之三年李茂貞

殺全誨等與全忠和解奉帝還長安全忠以兵驅宦官殺數百人

其出使外方者詔所在誅之存黃衣幼弱者數十人以備灑掃全

忠進爵梁王還汴自開元以來宦官擅威福者垂二百年至是始

殲滅而國亦隨亡矣史家譬諸木之有蠹曰灼木攻蠹蠹盡木焚

信哉六七節全忠威振四方遂謀篡奪崔胤懼修兵備元祐元年昭宗十六年

全忠密令其黨殺胤請帝遷都洛陽促百官東行驅徙士民秦

中自古為帝王州周秦西漢遞都於此劉趙苻秦姚秦西魏後周

相間據之隋文帝營大興城在舊長安城東南二里今西安府城

是也唐初因之後又增築當玄宗世長安之雄麗繁華前古無比
黃巢亂後景象衰耗至是夷為郡縣矣一帝至洛陽岐王李茂
貞蜀王王建移檄討全忠皆以興復為辭全忠恐變生於中遣人
弒帝在位十六年時德王裕已壯全忠惡之以輝王祚幼立之更
名祝是為哀帝殺裕等九王皆昭宗子全忠急於傳禪朝議先加
九錫全忠怒不受天祐四年哀帝三年哀帝禪位於梁尋被殺是歲我
醍醐帝延喜七年也唐自高祖及是二十世凡二百九十年

第七篇 外國事畧

第一章 突厥

三節後魏太武帝連敗柔然幾覆其巢窟自是柔然稍衰宣武帝時
梁武帝伏跋可汗醜奴可汗吐賀立壯健善用兵擊平諸叛部柔然復
天監中強伏跋為其母所殺國亂弟阿那瓌奔魏已而得歸盡復故土稱
頭兵可汗乘魏衰亂數為邊患兩魏相爭各欲結柔然東魏以宗
女妻頭兵西魏以宗女妻頭兵弟宇文泰又白文帝廢乙弗后迎
頭兵長女為后高歡亦娶頭兵女妻妃避正室以處之六七突厥
者匈奴別種也姓阿史那氏世居金山在甘肅鎮西府北境之陽為柔然鐵工
至其酋土門始強大求婚於柔然頭兵罵辱之土門怒襲破柔然
殺頭兵自號伊利可汗號其妻為可敦其子木杆可汗剛勇多智
畧擊柔然滅之餘衆奔西魏木杆建牙都斤山在外蒙古賽因諾顏部南境西破嚙
噠見五八東走契丹見五八北并結骨勅勒諸部之一漢之堅昆今吉利吉思族之先也威行諸國逼

西魏取柔然三千餘人盡殺之周代魏與突厥連兵擊齊武帝因娶木杆女為后行親迎之禮五節木杆卒弟佗鉢可汗立周人與之和親歲給繒絮錦絲十萬段突厥在長安者錦衣玉食常數千人齊人亦畏其強厚賂之佗鉢驕謂其下曰但使我在南兩兒常孝何憂於貧兩兒者指周齊二國也突厥之俗遇喪務面而哭周齊使者弔突厥喪亦務面如其國臣周滅齊佗鉢助齊宗室高紹義文宣帝子擊周周宣帝以太祖之孫千金公主妻之以求紹義佗鉢乃執送之六節隋初佗鉢卒兄子攝圖立號沙鉢略可汗分立族人為小可汗各統部眾以弟處羅侯為葉護葉護者突厥達官也千金公主從胡俗復配沙鉢略傷其宗祀覆滅日夜請為周復讐沙鉢略從之數擊隋不克隋人行反間諸可汗相猜貳木杆子阿波可汗與沙鉢略相攻據烏孫故地西域諸胡附之於是突厥分為東西二國沙鉢略求和於隋千金改姓楊氏為隋帝女隋更封為

大義公主自是稱藩貢獻沙鉢略卒處羅侯立號莫何可汗西擊阿波生擒之莫何卒沙鉢略子都藍可汗立大義公主謀畔隋隋廢之尋為都藍所殺六節莫何之子深于求婚於隋文帝欲離間突厥以宗女安義公主妻之禮賜特厚都藍怒舉兵襲深于深于敗走歸隋帝拜為啓民可汗置夏見五三勝故城在內蒙古鄂爾多斯左翼後旗界內二州之間以安義已卒妻以義成公主未幾都藍為部下所殺國大亂啓民北歸盡并其衆煬帝耀兵塞北厚賜突厥以誇富盛於是啓民事隋益恭六節啓民卒子始畢可汗立復以義成公主為可敦隋人誘殺其謀臣始畢怨之及煬帝再北巡始畢率數十萬騎圍帝于雁門急攻之矢及御前帝遣間使求救於義成始畢解圍去隋亂漢人歸之者無數遂大強盛控弦百萬勢陵華夏隋末割據之羣雄如薛舉李軌竇建德王世充劉武周梁師都之徒雖稱尊號俱北面稱臣或受其可汗號東自契丹室韋西盡吐谷渾高昌皆

臣屬焉

六十七節

是時西突厥亦強大射匱可汗

木杆弟步迦可汗之孫

拓地東至

金山西臨裏海射匱卒子統葉護立北并勅勒西破波斯移庭于

千泉

今露國七川州特穆爾圖泊傍地

統中亞細亞諸國悉授其王以頡利發官每國

遣吐屯監之督其征賦疆域之廣逾於東突厥

六十八節

唐高祖叛隋

稱臣於東突厥以借援約曰若入長安民衆土地入唐公金玉繒

帛歸突厥及為帝贈遺甚厚始畢卒高祖為之舉哀輟朝三日弟

處羅可汗立義成復配之時隋煬帝后蕭氏及皇孫政道在夏王

竇建德所處羅迎之立政道為隋王置百官居于定襄

見五五九節

處羅

卒義成立其弟頡利可汗又為其可敦頡利承父兄之資士馬雄

盛有陵唐之志高祖每優容之頡利益驕侵伐頻急高祖欲遷都

以避之因太宗固諫乃止太宗初立頡利大舉深入逼京郊與太

宗盟于渭橋而還

六十九節

初突厥性淳厚政令管畧頡利委用漢人

多變舊俗國人始不悅會大雪羊馬多死兵革歲動賦歛愈重由

是內外離怨兵寢弱勅勒諸部相帥叛之勅勒又作鐵勒匈奴之

苗裔也族類甚多有薛延陀回紇拔野古僕骨同羅等數十部散

處磧北幾達于冰海其酋長皆號俟斤分屬兩突厥至是薛延陀

回紇大破頡利兵突厥北邊諸姓多歸薛延陀共推其俟斤夷男

為主太宗遣間使冊為真珠毘伽可汗尋遣諸將擊破突厥降隋

蕭后及楊政道殺義成公主追擒頡利其部落或降唐或附薛延

陀或奔西域真珠可汗建牙于鬱督軍山

在外蒙古賽因諾顏部界內

統勅勒諸

部及卒國亂回紇部長吐迷度與僕骨同羅共擊敗之唐軍乘之

諸部潰散回紇遂據其地與諸部皆附唐

六十八節頡利之敗其族斛

勃歸薛延陀薛延陀欲殺之斛勃逃去建牙於金山之北自稱乙

注車鼻可汗及薛延陀敗車鼻勢益張太宗遣使徵之不至乃命

將擊之車鼻就擒其衆皆降

六十八節

是時西突厥亦亂竟中分為二

始畢可汗之子欲谷設亡在其地西部立為乙毘咄陸可汗以其

族賀魯為葉護東部乙毘射匱可汗攻咄陸逐之賀魯降唐居庭州招集散亡及太宗崩擁眾西走擊滅射匱自號沙鉢羅可汗十姓部落左廂五咄陸部右廂五弩失畢部皆歸之高宗遣將擊擒之更立部長自是部眾離貳後竟為別部突騎施所并

第二章 回紇

六八高宗末年突厥餘類骨咄祿起于黑沙城在山西大同府城西北自立為可汗武后時屢侵邊郡骨咄祿卒弟默啜代立雄據漠北有勝兵四十萬開元初擊并突騎施虜其可汗莎葛默啜昏虐不能撫有十姓諸部多詣北庭降突騎施部將蘇祿集餘眾復據其地玄宗拜為忠順可汗六九默啜擊拔野古被殺骨咄祿子孫繼之開元末國亂骨咄祿自稱可汗天寶初拔悉密回紇葛邏祿三部共攻殺之推拔悉密部長為可汗回紇葛邏祿自為左右葉護突厥餘眾立烏蘇米施可汗拔悉密復攻殺之國人立其弟為白眉可汗

突厥益亂回紇葉護骨力裴邏攻殺拔悉密可汗自稱可汗建牙

于烏德捷山烏德捷即鬱督軍也玄宗冊為懷仁可汗舊統九姓

後又并拔悉密葛邏祿凡十一部各置都督每戰則以一客部為

先四年我聖武帝天擊殺白眉突厥遂滅於是回紇斥地愈廣東際

室韋西抵金山南跨大漠盡有突厥故地懷仁卒子葛勒可汗立

六九是時突騎施又亂磧西節度使蓋嘉運襲擒吐火仙可汗忠順可汗

之別部莫賀達干據其地河西軍復擊斬之更立可汗肅宗時其

國衰亂葛邏祿在北庭者寔盛與回紇爭強代宗時徙居碎葉川

在露國中亞細亞八名吹河有突騎施故地六九安祿山之亂肅宗求援於回紇約

曰克長安之日土地士庶歸唐金帛子女歸回紇葛勒遣其子葉

護將精兵赴援時代宗為廣平王總師與葉護約為兄弟既入長

安葉護欲俘掠廣平王拜於馬前願至東京乃如約葉護許之諸

軍進攻陝初不利回紇襲其背賊驚顧曰回紇至矣遂潰回紇入

東京大掠廣平王不能止肅宗賞葉護功賜爵忠義王歲遣回紇
絹二萬匹冊葛勒為英武威遠可汗以皇女寧國公主妻之葛勒
卒子牟羽可汗立代宗又請援牟羽自將赴之賊既平代宗冊牟
羽為英義建功可汗封其大臣十餘人為王公六九節初回紇風俗
朴厚君臣之等不甚異故眾志專一勁健無敵及有功於唐賂遺
極厚牟羽自尊大始築宮殿婦人有粉黛文繡之飾唐為之虛耗
而北俗亦壞及代宗崩牟羽欲乘喪伐之國人不欲宰相頓莫賀
弒之而自立是為天親可汗天親求婚於唐德宗方病吐蕃之寇
以皇女咸安公主妻之冊為孝順可敦天親大喜曰若吐蕃為患
子當為父除之仍改紇字為鶻義取捷鷲如鶻也咸安歷配四可
汗而卒保義可汗復求婚憲宗不許穆宗立以皇妹太和公主妻
崇德可汗六九節漢人擯外夷比諸禽獸不相嫁娶自劉石至後周
中原帝王本皆戎狄故不耻與外蕃君長相婚若漢唐諸帝以公

主妻胡君則素非其所欲洵由憚邊患勢不得已也故不肯降帝
女名宗女為公主謂之和蕃公主及唐借回紇援寵待大異諸蕃
帝女始降於沙漠自是回紇與唐為甥舅之國雖唐亡之後猶呼
支那為舅支那答書亦呼為甥云七〇節自懷仁以來十二君皆受
唐冊封其世次名號如左

懷仁可汗骨力裴羅玄宗天寶二年立四年卒英武威遠可汗懷仁之子磨延陁天寶四年立肅宗乾元二年卒

英義建功可汗英武之子移地健乾元二年立德宗建中元年被弒長壽天親可汗英義從兄頓莫賀建中元年立貞元五年卒

忠貞可汗天親之子多邏斯貞元五年立六年為其所弒奉誠可汗忠貞之子阿噶貞元六年立十一年卒

懷信可汗骨咄祿貞元十一年立順宗永貞元年卒騰里可汗懷信之子永貞元年立憲宗元和三年卒

保義可汗元和三年立穆宗長慶元年卒崇德可汗長慶元年立四年卒

昭禮可汗崇德之弟曷薩特勒長慶四年立文宗太和六年為其所弒彰信可汗昭禮之姪胡特勒太和六年立開成四年被殺

七〇節文宗時回鶻衰黠戛斯部長自稱可汗數擊回鶻破之黠戛斯
即結骨又名堅昆今吉利吉思族之先也開成四年文宗十三年我仁明帝承和六年

回鶻相掘羅勿借沙陀兵攻殺彰信可汗國人立盧駁特勒明年
黠戛斯大破回鶻殺盧駁及掘羅勿諸部逃散武宗時回鶻遺衆
立烏介可汗昭禮可汗之弟南逼唐邊疆唐將擊走之迎太和公主以歸烏
介往依黑車子室韋之一種被殺宣宗遣使冊黠戛斯為英武誠明可汗
回鶻餘種散亡殆盡別部龐特勒居甘州有積西諸城宣宗冊為
懷建可汗其國卒不振然黠戛斯亦不能取唐末契丹寢強至五
代時黠戛斯為其所并

第三章 三韓上

七朝鮮凡八道曰京畿忠清全羅慶尚江原黃海平安咸鏡王京
位京畿之中南帶漢江名曰漢陽古朝鮮所國在漢江以北箕氏
衛氏皆都王儉城今平安之平壤府也漢武帝滅衛氏以其地為
四郡曰樂浪今平安道南境及黃海道臨屯今江原道玄菟今咸鏡道及平安道北境真番今盛京奉天府東境昭帝
罷臨屯真番并之樂浪玄菟樂浪郡治王儉名朝鮮縣玄菟郡初

治東沃沮今咸鏡之咸興府也後為夷貊所侵徙治西北在今興
京界內後漢末公孫度據遼東分樂浪南界置帶方郡蓋今黃海
之地也魏明帝平公孫氏樂浪帶方皆入於魏而其北境為高麗
所據七漢江之南有馬韓辰韓弁韓謂之三韓馬韓在西凡五
十餘國今忠清全羅二道也辰韓十二國在慶尚道東境弁韓亦
十二國在其西南辰韓人相傳秦民避役亡入韓韓割其東界處
之故或稱秦韓朝鮮王箕準為衛滿所逐浮海南奔攻破馬韓自
立為韓王居金馬渚今全羅道益山郡辰韓弁韓皆屬之韓史稱箕氏有韓
二百餘年然其王統事蹟皆不傳七箕氏已衰新羅百濟並興
焉新羅始祖曰赫居世姓朴氏辰韓推立為君國號徐羅伐築金
城今慶尚道慶州府都之弁韓降附赫居世卒子南解立南解遺命子儒理
及女婿昔脫解曰我死後朴昔二姓以年長嗣位由是二姓代主
新羅又有金味鄒者以朴氏之婿得嗣立其後王統竟歸金氏

五節百濟與高麗同出於扶餘國名在盛京省東北境高麗始祖曰高朱蒙避難

自扶餘南走至沸流水上建國今平安道成川府或在鴨綠江之上流號高句麗後省曰

高麗或曰古有高句驪國漢開其地置縣為玄菟郡治或曰在咸興府東北或曰在興

北之扶餘別種居其境內其後部落漸盛遂建國仍號高句驪據此

說則朱蒙者似為高句驪再興之君也朱蒙少子溫祚南渡漢江

居慰禮城今忠清道稷山縣韓王箕氏割地與之溫祚建國以扶餘為氏築

漢山今京畿道廣州府都之潛師襲馬韓悉取其地是為百濟始祖六節東

漢之世高麗屢侵玄菟魏帝曹芳時幽州刺史母丘儉擊破之屠

九都高麗國都故址在平安道寧遠郡南劔山尋復據其地晉成帝時燕王慕容皝復大破之

其王高釗請降後與百濟構釁百濟王近肖古帥精兵攻之釗中

矢死近肖古既捷遷都北漢山今名三角山在京城北號漢城是時三韓故地概

屬新羅百濟朝鮮故地概屬高麗長白山以南分為三國高麗稍

大百濟次之新羅最小世又謂之三韓七節新羅距我大倭最近

自開國以來屢遭邊民侵伐甚畏之或悉兵拒戰或講和交聘及

神功皇后親征之新羅不能復抗遂降為屬國是役韓史無所見我舊史所

新羅奉貢納質則其懾服我威者不可復疑矣神功攝政之朝蓋當百濟近肖古之世即東晉之中葉符秦興隆時也若其征韓之年月則今不可考百濟聞之遣使

朝貢失途至新羅新羅劫奪其貢物以己賤物換之亦發使來朝

神功命勅校二國貢物新羅多珍奇百濟甚劣詰問使者得其實

即拘新羅使遣將討之百濟發兵來會擊破新羅取加羅安羅等

七國初弁韓雖屬新羅其地分為數小國韓史所記有駕洛今慶尚

府阿羅今咸安郡古寧今咸昌縣星山今星州大加伽今高靈縣小加伽今固城縣等駕洛又稱

加伽阿羅以下謂之五加伽我軍所取七國蓋皆弁韓故地而加

羅即駕洛安羅即阿羅也後益并附近小國總言任那置鎮府統

制諸韓國別有早岐各治本國以百濟王有功分任那地賜之自

是百濟朝貢不怠七節是時秦王苻堅方盛高麗新羅皆臣之堅

遣胡僧及佛像佛經於高麗高麗王丘夫以其書教子弟創建佛

教

遺胡僧及佛像佛經於高麗高麗王丘夫以其書教子弟創建佛

寺又興大學始頒律令高麗儒佛之教始此百濟前未有文字至近肖古置博士官始有書記既通于我遣博士王仁來朝獻儒書晉孝武帝時有胡僧自晉至百濟其王枕流迎而禮之創寺度僧百濟佛法始此後百六十餘年始傳於我邦七節枕流卒太子阿花幼叔父辰斯篡立失禮於我應神帝怒遣使責之百濟殺辰斯以謝使者立阿花而還阿花亦闕職貢朝廷削其東韓地阿花懼遣太子直支入謝因留侍於朝阿花卒次子訓解攝政以待太子之還季弟磔禮殺訓解自立直支聞王訃痛哭請歸應神以兵衛送賜以東韓國人殺磔禮迎立為王七節新羅王金實聖嘗恨前王金奈勿質已於高麗思有以釋憾及嗣位遣奈勿子未斯欣來質卜好質於高麗後又欲害奈勿長子訥祗訥祗怨弒實聖自立訥祗欲見二弟聞朴堤上有智勇召而謀之堤上乃往見高麗王高璉說以情義璉輒還卜好堤上將來朝謂訥祗曰倭人不可以

口舌論當用詭謀臣適彼則請以背國論使彼聞之乃以死自誓不見妻子徑渡海若叛來者訥祗陽囚未斯欣堤上之家屬時皇軍將襲新羅因使堤上與未斯欣為鄉導共到對馬堤上潛令未斯欣逃歸我將知見誑囚堤上燒殺之是歲晉安帝末年蓋我仁德帝時也堤上事蹟詳於韓史極讚其忠烈我神功紀亦載新羅使者令質子微叱許智逃去之事年代雖差叙事相類蓋微叱許智者未斯欣之訛也七節訥祗卒子慈悲立慈悲畏我借援於高麗既而疑之殺其兵高麗王璉興師入新羅慈悲乞救於任那我鎮將往救之擊破高麗兵宋帝昱時我雄略帝時璉大舉攻百濟克漢城殺其王餘慶虜男女八千而還餘慶弟文周立徙都熊津今忠清道公州文周被弒子三斤立二年卒初餘慶遣弟昆支來質生子牟大雄畧帝聞百濟無主召牟大禁中撫其頭慰諭使歸王其國命筑紫軍士護送別遣舟師擊高麗不克七節高璉國富兵強其地西至遼

河南踰漢江定都平壤結好南北支那宋孝武帝策為車騎大將軍齊高帝策為驃騎大將軍魏孝文帝置諸國使邸齊為第一高麗次之璉在位七十九年卒壽九十八號長壽王孝文聞計素服舉哀遣使策贈太傅長壽一世在高氏為最盛之時我朝不得志於高麗亦以此也七節梁武帝時新羅攻任那取數城繼體帝遣近江毛野於任那諭新羅反其侵地新羅不奉命毛野無綏御之才擾亂任那任那人厭苦密請兵新羅百濟使攻毛野二國兵拔任那五城而還帝聞之召還毛野未幾駕洛降于新羅任那地益蹙我府帥在阿羅威令不行欽明帝詔百濟王明興復任那明會諸旱岐議之府帥河內直等交通新羅不與明協謀明上表請罷河內直等朝廷不報議竟輟七節梁簡文帝時百濟與新羅任那擊高麗百濟拔漢城復其故地進破平壤新羅乘勝取高峴山名在東北境以內十郡既而新羅與高麗連和欲攻百濟百濟棄漢城新羅

因取之梁元帝時百濟王明請援於我攻新羅拔管山城今慶尚道聞慶縣新羅擊破之殺明七節陳文帝天嘉三年我欽明帝二十三年新羅攻滅大加倂於是任那悉沒於新羅欽明帝遣紀男麻呂河邊瓊全擊新羅問滅任那之罪又遣大伴狹手彥擊高麗并令百濟策應瓊全失律無功狹手彥破高麗而歸其後新羅復建任那已而又攻之推古帝遣將救任那拔新羅五城新羅割六城請服乃詔旋師任那後降於新羅

第四章 三韓下附渤海國

七節隋文帝立三韓皆遣使朝貢隋冊其王皆為上開府儀同三司五節開皇十八年我推古六年高麗王高元率靺鞨侵遼西郡名今盛京錦州府及直隸承德府東境文帝怒使漢王諒等將水陸三十萬伐高麗不克師還死者什八九元亦懼遣使謝罪帝乃罷兵煬帝恃其富強欲耀武海東悉發國內兵丁二百萬進攻遼東城將堅守不下元遣大臣乙支文德

禦之文德佯敗走以誘敵乘其疲弊四面鈔擊隋軍大敗而還明年帝復征高麗又明年復征之皆不能克七十一節唐太宗既滅突厥

高昌又欲取高麗會高麗東部大人泉蓋蘇文弒其王建武立王姪藏自為莫離支專擅國事與百濟和親共攻新羅欲塞其入唐之路新羅請救於唐太宗自將伐高麗拔遼東數城及攻安市城

見五八七節城主材勇善拒太宗親臨督戰竟不能拔而還自是屢遣兵侵軼高麗高麗始病焉七十二節新羅百濟世為仇讎互相侵伐百濟

素親附我國而新羅新睦於唐新羅女王勝曼遣王族金春秋如唐請伐百濟春秋姿表英偉善談論太宗厚賜之優禮甚備高宗

時勝曼卒國人奉春秋嗣位百濟與高麗鞞鞬連兵侵新羅北境取三十三城春秋訴之唐是時百濟王義慈奢淫不恤國事新羅

并吞之謀愈急七十一節顯慶五年高宗十一年我齊明帝六年唐遣蘇定方帥水陸十萬以擊百濟命新羅與之合勢唐軍自成山山東最東角在登州府文登縣東北濟海與

新羅兵圍百濟都城拔之義慈父子降定方執之以歸留劉仁願鎮泗泚即百濟都城今忠清道扶餘縣擢土豪為都督刺史七十一節百濟宗室鬼室福信

義慈之從弟收聚遺眾圖興復國人推為佐平據周留城在全羅道全州之西西北部皆應引兵圍劉仁願遣使來獻唐俘請迎王子豐立之豐者義

慈之弟質於我者也龍朔元年高宗十二年唐遣劉仁軌發新羅兵以救仁願福信釋圍而退時天智帝為皇太子奉齊明帝帥舟師而西

將救百濟會帝崩於筑紫皇太子奉喪聽軍政遣阿曇比羅夫阿部比羅夫等赴救以織冠授王子豐令別將送還之并送豐叔父

忠勝七十一節是歲新羅王春秋卒謚曰武烈廟號太宗春秋事唐衣冠文物皆仿其制得良佐金庾信共謀國事遂滅世讐以弘王業

為新羅賢主太子法敏立是為文武王七十二節二年我天智帝即位前六年阿曇

等至百濟立豐為王授金策於福信褒獎之仁願仁軌在熊津出擊百濟兵破之拔真峴城今忠清道鐵岑縣時福信專權豐疑其有異圖殺

之三年天智帝更遣兵三萬人救百濟新羅王助唐軍進攻周留
 城我援兵遇唐軍於白江口蓋今錦江入海之口也四戰皆敗豐脫身奔高麗
 忠勝等以周留降于唐百濟亡國民多走歸我軍我軍以佐平餘
 自信及民衆還仁軌留鎮百濟以扶餘隆為熊津都尉隆者故王
 義慈太子也高宗命隆與新羅王釋去舊怨仁軌西還隆畏衆攜
 散亦歸唐一節高麗泉蓋蘇文死子男生代為莫離支出巡國弟
 男建男產拒而不納男生乞救於唐唐遣李勣督諸軍伐高麗取
 遼東諸城總章元年高宗十九年我天智帝即位元年進圍平壤高藏令男產請降高
 麗亡高宗以藏政非己出赦之流男建于黔州今四川西陽州彭水縣扶餘豐
 于嶺南二節其後高麗遺衆復起新羅助之又畧取百濟故地高
 宗怒遣兵討新羅破之法敏遣使謝罪高宗赦之然法敏猶不斂
 兵擊走唐軍取高麗南境唐不復問自是新羅又媚事唐如舊世
 受其官爵遣子弟宿衛三節自法敏歷五世至乾運淫昏失政大

臣金良相乘亂弒乾運而自立良相卒大臣金敬信立唐文宗開

成中我仁明帝承和中敬信之孫均貞與姪悌隆爭立國亂王族金明等殺

均貞立悌隆已而明又弒悌隆自立均貞之子祐徵起兵擊殺明

而立新羅復定四節唐昭宗時我字多帝寬平中有女王曼委政佞倖政刑

紊弛由是盜賊蜂起疆宇日蹙弓裔叛于北原今江原道原州取西北諸州

甄萱據完山今全州稱王國號後百濟韓地復三分弓裔殘虐其下

不服五代時衆推王建為王國號高麗弓裔走而死建定都松岳

於一今京畿道開城府以平壤為西京國勢愈盛新羅後百濟遂皆降三韓復歸

東牟山在盛京城東高麗靺鞨稍歸之自稱震國王畧有高麗故地唐

玄宗封為渤海郡王自是以渤海為國號祚榮卒子武藝立益斥

土疆東北諸夷畏服其子欽茂遷居肅慎故地號上京蓋今寧古

塔地方也數傳至仁秀文化頗進置五京十五府六十三州為海

東通史卷之三

東盛國迨五代時為契丹所滅七二節三韓之時新羅畏我軍威時時朝貢及并百濟自恃其強藩禮有闕仁明帝禁其國人入境新羅由此而絕渤海自武藝時使聘常通禮又頗恭終始不渝朝廷屢賜勅獎諭以藩臣遇之云

第五章 倭漢之通交

七二節我邦之通於支那不詳其始彼史曰倭凡百餘國自漢武帝滅朝鮮使譯通者三十許國又曰漢光武末年倭奴國奉貢朝賀光武賜以印綬又曰安帝初年倭國王帥升等獻生口此皆我土豪之私交也三國時有女王卑彌呼者遣使經魏帶方郡詣洛陽朝獻卑彌呼者蓋我西邊女酋也魏明帝遣使封為親魏倭王假金印紫綬賜賚甚厚自是屢朝貢卑彌呼死宗女壹與立又遣使貢獻壹與之事後不復聞七二節神功皇后克新羅漢人居韓地者多遷於我國阿知使主稱漢靈帝之裔率帶方民歸化朝廷遣阿知

於吳求縫工吳王與工女四人是朝使至支那始見國史者也吳王即晉帝也東晉及南朝皆據孫吳故地故亦稱為吳南史曰晉安帝時倭王讚遣使朝貢讚者謂仁德帝也而仁德紀亦載吳國朝貢蓋仁德之世非唯我通於晉晉使亦至也七二節宋齊諸史叙倭王貢獻之事讚之後有珍濟興武四王皆受南朝官爵稱使持節都督倭新羅任那加羅秦韓慕韓六國秦韓即辰韓慕韓即馬韓或除加羅而加百濟或加百濟為七國諸軍事安東大將軍倭國王此四王者反正允恭安康雄畧四帝也然反正以下三朝使聘往來國史無所見唯雄畧紀則曰遣使求吳工女使者與吳使及諸工女共還而宋書不記此事因按宋書所記貢獻除授等事恐非朝廷所預知蓋任那鎮將欲假大國寵命以鎮撫諸韓故託名國使朝貢於宋也七三節推古帝時聖德太子攝政欲興隆佛法乃修好於隋十五年隋煬帝大業三年遣小野妹子遺煬帝書曰日出處天子致書日沒處天子無恙煬帝覽不悅以

為書辭無禮明年遣其臣裴世清等從妹子來觀國風遺書曰皇
帝問倭王云云太子惡其黜天子之號然既有求於彼不得不答
親草答書曰東天皇敬白西皇帝云云復遣妹子送隋使學生學
僧多從之一節唐興學生還者奏曰大唐禮儀之國也宜常通聘
舒明帝遣犬上御田歙往聘及還太宗遣高表仁俱來有所諭告
表仁爭禮不宣主命而去蓋唐帝欲使我執臣禮而我不肯從也
是時學生學僧自唐還者漸眾儒佛之學盛行於世竟至舉朝典
國法摸倣彼邦二節孝德帝遣吉士長丹等於唐學生學僧從行
者二百餘人長丹謁高宗多得文書寶物而還時新羅與高麗百
濟相攻高宗遣書請我國出兵援新羅不從齊明帝又遣津守吉
祥等往高宗將攻百濟拘留吉祥及百濟滅始放還之天智帝時
唐將劉仁願鎮百濟屢遣使來聘帝以其非公使不許入京每饗
之於筑紫令人送還之三節文武帝遣粟田真人往聘真人好學

善屬文為唐人所稱則天厚饗之授司膳卿元正帝遣多治比縣
守等往阿部仲麻呂吉備真備以選為留學生從之縣守請從諸
儒受經玄宗命四門助教趙玄默即鴻臚寺為師縣守等還朝見
皆著唐所賜朝服是時支那隆盛古今無比吐蕃新羅渤海諸國
皆被其風化我邦亦學藝益進舊俗日變而欽仰支那殆如上國
矣四節聖武帝時多治比廣成往真備悉唐賞物賀書與廣成共
還仲麻呂慕唐風留仕不還易姓名曰朝衡玄宗愛其才授左補
闕孝謙帝時藤原清河吉備真備等往玄宗命朝衡接伴清河等
將還玄宗賦詩送之衡請與歸因命為使真備等歸朝清河衡為
風漂泊安南復至長安留仕清河為特進秘書監更名河清衡為
左散騎常侍鎮南都護淳仁帝遣高元度迎河清經渤海至唐以
亂故不得朝見而還衡在唐五十餘年而卒代宗贈潞州大都督
河清亦竟卒於唐五節光仁帝時小野石根等往代宗優待之桓

武帝時藤原葛野麻呂往謁德宗平城嵯峨淳和三朝無遣唐使
仁明帝時葛野麻呂子常嗣往謁文宗還上其書七節凡外國與
唐相交者唐皆以藩屬待之其書不用表奏之式則不肯受我朝
不欲以書辭相爭故使臣每不費國書唐帝時贈書則斥天皇曰
倭王國史皆省而不錄以其辭甚慢也初朝廷愛唐之文物故頻
通使聘至光仁桓武之世文化既開制度大備無復所需於彼殆
不見遣使之要行舟術粗屢遭風溺沒或漂著海島為夷賊所殺
掠唐國既亂陸路亦多艱阻以故仁明以來使聘絕者五十餘年
至宇多帝寬平六年唐昭宗乾寧元年復命遣唐使以參議管原道真為大
使時僧中瓘在唐附商客上書太政官具叙唐國凋弊乞停邦人
入唐道真奏請以中瓘狀遍下公卿博士詳議通聘之可否明年
敕罷遣唐使然是後僧徒往學法者猶不絕及宋興兩國商民屢
相往來

第八篇 學藝宗教

第一章 學制

七節周道既衰學校廢絕儒墨百家橫議放論而刑名之說尤盛秦
始皇焚詩書坑術士視法令為經典使欲學之者以吏為師於是
百家籍口皆遏講究六經羣籍多藏於山巖屋壁初七國時往往
有博士官秦亦置之管守典籍掌通古今以備顧問非教育之職
也漢高祖以叔孫通為博士制定漢禮然帝素輕儒學未議及庠
序之事也七節惠帝除挾書之禁文帝頗徵用遊學之士文事浸
興然文帝竇后皆好黃老之術景帝喜刑名不任儒者故諸博士
雖具官待問其任猶輕及武帝好儒公孫弘以治春秋白衣為三
公國內學士靡然嚮風矣置五經博士擇少年五十人補弟子員
設科考察勸以官祿郡國皆立學校官以廣教導昭帝增博士弟
子滿百人宣帝又增倍之宣帝為治雖不專據儒道亦不敢忽經

藝嘗詔諸儒會石渠閣講五經同異蕭望之等平奏其議帝親臨決焉是後儒業益盛枝葉繁滋一經說至百餘萬言大師衆至千餘人七三光武中興先訪儒雅四方學士雲會京師營起太學置博士十四人各以家法教授而聰明有威重者一人爲之長號博士祭酒明章之世儒學極盛明帝臨辟雍饗射禮畢執經自講爲功臣子孫外戚四姓樊鄧末屬別立校舍搜選高能以授其業自期門羽林之士悉令通孝經匈奴亦遣子入學章帝大會羣儒於白虎觀考定五經同異如石渠故事命史臣著爲通議和帝亦數幸東觀覽閣書林猶有明章之遺風七四鄧太后稱制以儒職多非其人詔公卿察舉明經務取高行後旋復故安帝薄於文學博士倚席不講朋徒相視怠散學舍頽弊順帝繕修之造房室二千梁太后稱制令郡國舉明經詣太學大將軍以下皆遣子受業自是遊學增盛至三萬餘生然講義漸疎多以浮華相尚儒者之風

蓋衰矣至桓帝時太學諸生好危言覈論競爲臧否竟罹黨錮之禍靈帝昏弱耽于詞藝設鴻都門學引諸生能爲辭賦或工書者以充文學無行趨勢之徒多進士君子恥與爲列焉七四魏文帝依漢制立太學設五經課試之法然博士選輕生徒少成業者晉武帝興學名曰國子學以教國之貴遊子弟猶我學習院也置國子祭酒博士助教是時士大夫多習尚老莊及五胡之亂佛教又盛儒術終不振江左多難日不暇給以迄宋齊祭酒博士空存其官而無其職國學時或開置而勸課未博建之不能十年取文具而已宋文帝立四學曰玄儒文史玄者老莊之道也明帝置總明觀祭酒以總玄儒文史四科科置學士各十人於是儒道僅得與老莊駢立至齊武帝時省總明觀梁武帝置五經博士廣開館宇養士踰千人南朝文學之最盛也然崇佛甚深士民風靡儒生學士不過玩辭章之末七四後魏道武帝始定中原立太學于平城

置五經博士生員三千人命郡縣大索羣籍獻文立鄉學每郡置博士助教孝文好儒開皇子之學及遷洛陽立國子太學四門小學自是學業大盛燕齊趙魏之間橫經著錄不可勝數北齊置國子寺以祭酒總之其博士助教有國子及太學四門之別後周無國子四門唯置太學漢魏以來國學皆屬太常後周屬太宗伯隋文帝始革之令國子寺自為一官尋改寺為學煬帝又改學為監唐因之晉置律學博士屬廷尉歷代因之唐移屬國子監三四節唐制國子祭酒總判監事司業副之領學館六國子學生三百人以三品以上子孫為之太學生五百人以四品五品子孫為之四門學生千三百人以六品七品子及庶人之俊異者為之律學生五十人書學生算學生各三十人以八品以下子及庶人之通其事者為之六館合二千二百十人每學置博士助教唯書算二館不置助教別於門下省置弘文館生三十人於東宮置崇文館生二

十人以皇親外戚及貴近之子為之京都都督府州縣亦皆立學學生隨其大小有差自八十人至二十人是皆高祖太宗之遺制而玄宗所重定也三四太宗雄武兼喜文學召惇師耆德盡授學

職四正五經創立正義都鄙皆嚮學文治鬱興求梁陳周隋通儒之子孫並加引擢以先儒左邱明等二十二人左邱明下商公羊高穀梁赤伏勝高堂生毛萇孔安

監數年而廢國戴聖劉向杜子春鄭眾賈逵馬融盧植鄭玄服虔何休王肅王弼杜預范甯配享孔子廟庭高宗時東都亦置國子

侍講禁中恩禮優渥又命二人修整羣籍業未畢相次物故詔元行冲續成之置集賢書院於兩京各列經史子集四庫及祿山之亂兩院圖書喪脫幾盡其後學校衰廢生徒流散嗣帝區區急於救亂不暇語教育事代宗嘗興國子監以閻豎判監事貽譏後世是時生徒無常員至憲宗定為五百五十人東都亦新置監生百

人文宗校定五經鏡之石命張參等是正訛文懿宗詔羣臣輸光

學錢以治庠序然儒學不復振興以至唐亡

第二章 儒學

七四戰國時儒學既分數家專攻一經皆自稱得孔子遺意師徒相授受而其道未大明漢興諸儒傳其所得拘牽滯固異說紛紜言

易自菑川國名今山東濟南府東北境及青州府西北境田何言尚書自濟南郡名今濟南府伏勝言禮自

魯國名今山東兗州府高堂生言詩於魯則申培公於齊國名今青州府則轅固生於燕

國名今順天府則韓嬰於趙國名今直隸廣平府及順德府西境則毛亨故詩有魯齊韓毛四家田

氏之易分為施孟梁丘氏又有京房及費直高相之易伏生尚書

分為歐陽大小夏侯氏孔安國初受書于伏生後得古文蝌蚪尚

書訓傳其義世因稱伏書為今文高堂生之後有后氏后氏分為

慶氏大小戴氏春秋有公羊穀梁左氏之傳言公羊則齊胡毋生

趙董仲舒言左氏則河南郡名今河南河南府及開封府西境賈生胡毋之後又分為嚴

顏二家六節武帝置五經博士齊魯韓詩歐陽尚書田氏易后氏

禮公羊春秋並立於學官宣帝復立大小夏侯尚書施孟梁丘易

大小戴禮穀梁春秋元帝復立京氏易光武立博士十四家詩書

各三家易四家及二戴禮皆因宣元之舊罷穀梁春秋立公羊嚴

顏二氏明帝詔諸儒選高才生受古文尚書毛詩穀梁左氏春秋

雖不立學官然皆擢高第七四西漢名儒賈誼董仲舒為稱首論

著雖不多傳後人服其深識其後有劉向經明行修仕宣元成三

朝以忠直顯成帝命向校典籍條其篇目撮錄指意向卒哀帝使

向子歆卒父業歆乃集經子羣書別為七畧輯畧六藝畧諸子畧詩賦畧數術畧方伎畧王莽

篡立以歆為國師歆校書時得周官於秘府著於錄畧採摛其說

以佐莽政其學遂行楊雄與歆同仕莽好古樂道不慕榮利欲以

文章垂名作太玄以擬易作法言以擬論語然法言卒章盛稱莽

功德君子病焉七四東漢名儒甚衆河南鄭衆扶風三輔之一屬司隸今陝西西安府西境及

鳳翔府賈逵皆受其父業治古學尤明毛詩周官左氏春秋等逵論著

百餘萬言伏湛伏黯兄弟伏勝之裔也明齊詩子孫數世皆傳家
 學桓榮以宿學授明帝經其子郁教章帝和帝郁子焉亦教安帝
 順帝一家三世為五帝師順桓之世扶風馬融以博洽稱詩書易
 三禮論語孝經等皆有註解徒眾甚盛涿郡屬幽州今順天府西南境盧植事融
 通古今學性剛毅有大節靈帝末為尚書以忤董卓免北海國名屬青州今
 府東境鄭玄篤學究諸經以山東無足問者西入關從融質疑義
 及辭歸融曰鄭生今去吾道東矣玄兼眾家之學註釋繁詳兩漢
 儒學至玄而大成然融玄皆信纖緯間採其說以附會經義後儒
 疵之任城國名屬兗州今山東濟寧州何休好公羊學作公羊墨守左氏膏肓穀
 梁廢疾以難二傳玄乃發墨守鍼膏肓起廢疾休見而歎曰玄入
 吾室操吾矛以伐我乎同時有河南服虔亦駁休說作左氏傳解
 會異同盡註諸經著聖證論以譏短鄭玄玄門人孫叔然又駁之世
 九節魏時王肅王弼何晏有名肅善為賈馬之學而不好鄭說採

以鄭王並稱弼作易註晏作論語集解二人皆好老莊解經頗雜
 其意兩漢言易者多主象占之說弼悉掃去暢以玄理易學於是
 一變晉時杜預明史學身膺將帥之任武功蓋世既平吳耽思經
 籍作左傳集解至南渡後范甯作穀梁集解七五節漢初易凡六家
 費高但行民間東漢陳元鄭眾主費氏馬鄭二王皆作之註詩凡
 四家毛氏初微亦賈馬鄭王註之於是毛詩費氏易大興高氏易
 亡於漢末齊詩亡於魏魯詩施梁立易亡於西晉韓詩孟京易雖
 存無傳之者伏書三家相傳至西晉而亡賈馬鄭王皆註古文然
 已非孔安國全本晉豫章郡名屬江州今江西南昌府內史梅頤稱得古文孔傳奏
 上之蓋晉人所擬作也禮凡三家東漢雖存並微馬融傳小戴之
 學且采周官通儀禮禮記為三禮盧鄭受之並作註解鄭更名周
 官曰周禮及王肅駁鄭禮分為二家肅為晉武帝外祖故晉人議
 禮捨鄭從王春秋三傳公羊二家獨盛穀梁常微左氏初不著鄭

賈服杜作訓解遂大行於世一節東晉南朝尚詞藻耽玄言經學

不盛而北朝出名儒稍多元魏世徐遵明為儒宗博通諸經教授

山東孝莊帝時死於亂高第李鉉為北齊博士經生多出其門熊

安生最明禮周武帝聞其名重之及滅齊安生遽令掃門家人怪

之安生曰周帝崇儒必來見我已而果至遂攜歸命議五禮隋時

有劉焯劉炫稱二劉焯嗇於財不行束脩者未嘗教誨炫亦貪鄙

文帝購求遺書炫偽造書百餘卷取賞而去然二人聰明博覽著

述富贍為一代大儒二節文帝末年龍門縣名屬蒲州今山西絳州河津縣王通詣闕

獻太平十二策帝不能用罷歸通遂教授於河汾之間弟子自遠

至者甚眾累徵不起大業末卒於家門人謚曰文中子通誨人不

做世儒事訓詁談道講術成一家言其說雖迂亦儒中之偉人也

三五東晉以來儒者好尚有南北之異江左書則孔傳易則王弼

註三禮則鄭註若王肅註春秋則左傳杜註論語則何晏註河洛

書易三禮論語皆主於鄭氏春秋三傳則用服虔何休范甯唯詩

則南北俱遵鄭箋南學簡而華北學深而蕪隋人併採南北之學

書易春秋則用孔王杜氏詩三禮論語則皆用鄭氏自是書易鄭

註及王肅二何服范氏皆微四節唐以九經課學生禮記左傳為

大經詩周禮儀禮為中經書易公羊穀梁為小經通二經以上者

得應舉孝經論語皆兼通之太宗命孔穎達顏師古等選五經正

義以鄭孔王杜為本採眾家義疏增損而廣之詩書左傳多據二

劉疏禮記據梁皇侃及熊安生疏賈公彥又作周禮儀禮疏發揮

鄭學孝經舊有孔鄭二註玄宗更自作註命元行冲疏之大唐一

代文儒如林其於經義無大異說唯李鼎祚作易集解宗鄭排王

啖助說春秋不宗三傳考其得失斷以己意然大旨陰主公穀趙

匡陸質傳其學質遂纂啖趙之說作春秋集傳唐學出正義之範

圍者唯有此二書亦不甚行五節自唐以前孟軻列於諸子儒林

五節自唐以前孟軻列於諸子儒林

五節自唐以前孟軻列於諸子儒林

五節自唐以前孟軻列於諸子儒林

不甚重之東漢唯趙岐註之唐朝亦不立學官至韓愈深讚其闢
 楊墨明孔道以為功不在禹下學者自是知尊孟子矣愈慕孟子
 之風好排擊老釋唱羣聖傳統之說以扞衛儒道事德宗為監察
 御史以諫宮市貶陽山屬連州今廣東連州屬縣令憲宗朝遷刑部侍郎帝迎鳳
 翔法門寺塔佛骨入禁中留三日歷送諸寺王公士民瞻奉捨施
 惟恐不及愈上表極諫乞投之水火帝大怒貶潮州屬嶺南今廣東潮州府刺史
 後復還朝會成德王庭湊殺其帥田弘正自立穆宗詔愈宣撫眾
 皆危之愈至庭湊嚴兵迓之愈以大義責之庭湊不敢犯禮而歸
 之愈通經傳百家最長文章世推其排佛之功至配之孟子

第三章 文藝

六節三代之時去太古不遠言語文章未能暢達唯詩直抒情感發
 於永言故多可誦者至周末文辭始盛論語之簡約孟子之明暢
 老子之深奧莊子之變幻左氏之典麗國策之雄勁孫子之精奇

韓非之峭深屈原之悽惋皆莫不盡其妙七節秦時李斯文甚偉
 麗其他則無聞焉至西漢作者甚眾賈誼之於論策司馬遷之於
 史記司馬相如之於辭賦真超世之才可稱漢文之三絕當二馬
 時武帝方勸獎文學寵用材俊又立樂府採歌謠於是辭人奮興
 揚葩振藻閎衍雄渾成一代之風其後文氣寢弱競以侈麗相尚
 如王褒劉向楊雄諸名家亦皆不免焉雄蓋悔之有意矯其弊太
 玄法言模擬古經然措辭務為艱奧竟非文之至者八節自東漢
 歷魏晉南朝以至於隋文章益流於浮華綺靡纖弱巧作駢儷謂
 之八代之衰又稱晉以下曰六朝衰之又衰也當時散文可觀者
 甚寡唯東漢班固作漢書雖文不及司馬遷然依遷史法頗更正
 之以定紀傳之體後史奉為典型晉陳壽作三國志叙事簡核亦
 好史也諸葛亮非用力文藝者然其出師表簡嚴精切六朝無再
 見此文九節詩賦時出名家雖衰未至如散文之甚也魏武帝文

帝才兼文武善為詩賦文帝弟陳思王植才藻英發落筆成章有六友與之齊名世號建安七子晉末陶潛少有高趣著五柳先生傳以自况嘗為彭澤縣名屬江州今江西九江府湖江縣令郡遣督郵至吏白應束帶見之潛歎曰我豈能為五斗米折腰向鄉里小人即日解印綬去賦歸去來辭以遂其志自以曾祖陶侃為晉宰輔恥屈身後代自劉裕擅國不復肯仕與其妻共耕觴詠自娛至宋文帝時沒世號靖節先生潛妙於詩冲澹深邃出於自然同時謝靈運亦有詞才世以陶謝並稱然其詩極工麗而氣格不及陶矣七六節梁武帝博學能文著述數百卷昭明太子及簡文帝元帝皆好學富於詞藻古來帝王父子以才學稱者曹魏蕭梁為最梁朝多文士沈約庾信最著約歷事宋齊勸梁武移齊祚位至宰輔約嘗悟語音有平上去入之別撰四聲譜以發其旨音韻之學自此而興信有盛才與徐陵同官文並綺艷勢以音韻相婉附句用四六隔句作對後進

競相模倣號徐庾體西魏宇文泰好古欲革文弊命蘇綽倣尚書作大誥宣示羣臣自後詔誥皆依此體然泰不用秦漢暢達之文而強擬三代詰屈之辭故勢不能久行梁元帝遣庾信聘西魏信遂留長安仕魏及後周周明帝武帝皆嗜文藝遇信特優由是信之文體又行於北方七六節唐承六朝之後詩賦散文皆不脫纖弱之習高宗時王勃楊炯盧照隣駱賓王擅文名世稱四傑俱工於駢儷則天時沈佺期宋之問以附二張進之問尤無行二人善詩帶沈庾餘風益加雕鏤音律諧協屬對精鍊號為律詩又謂之近體學者宗之稱沈宋陳子昂亦媚事則天然其詩不深時俗高雅冲澹超於建安矣散文亦疏樸近古七六節玄宗之世張說蘇頲以文章顯皆陞相位說封燕公頲許公時號燕許其文稍近雅正而駢儷之習未去元結性耿介為文奇古不諧俗故名亦不高然唐人力變駢儷者實自結始是時國內升平文藝熾昌詩人名家者

不可勝數而杜甫為其冠李白王維孟浩然等次之杜甫少貧舉
 進士不第困長安玄宗見其賦奇之待制集賢院會祿山亂為賊
 所得逃謁肅宗拜右拾遺尋棄官寓秦州屬隴右道今甘肅直隸州樵採自給流
 落劍南為其帥嚴武參謀武卒客遊江湖死于衡山之陽甫曠放
 不自檢好談大事高而不切數當寇亂挺節無汗為歌詩傷時撓
 弱情不忘君人憐其忠李白有逸才豪放嗜飲飄然有超世之心
 嘗至長安學士賀知章見其文歎曰子謫仙人也薦之玄宗供奉
 翰林白猶與飲徒日醉於市頃之辭去浮遊四方肅宗時得罪流
 于夜郎郡名屬黔中道今貴州遵義府桐梓縣會赦得釋客死江南李杜之詩雋偉佚宕
 不假雕琢之工古風近體皆造其妙於是唐詩蔚然大興遂為後
 世之模範七六陸贄勳業顯於朝固非翰墨之徒其文多用駢句
 不異俗體然真意篤摯反覆曲暢不見排偶之跡為德宗作詔誥
 至武夫悍卒皆感泣其論諫切中時病皆本仁義洵經世之文不

可以四六卑視七六韓愈以宏才卓識用力古文綜覈百家鎔而
 化之刊陳剗偽粹然一出於正而混洋自肆無所拘束遂一洗八
 代之陋習使唐之文章追蹤於周漢當時名亞於愈者唯柳宗元
 宗元與順宗幸臣王叔文友善及叔文用事引陸贄劉禹錫等參
 計議宗元亦預焉宦官嫉之讒毀沸騰憲宗立悉貶竄其黨賜叔
 文死宗元由是廢黜自放於山水間湮厄感鬱一寓諸文愈嘗評
 之曰雄深雅健似司馬遷李翱皇甫湜從愈學翱得其謹嚴湜得
 其奇崛孫樵又傳湜法刻意求奇皆不逮韓柳韓柳又善詩俱如
 其文同時工詩者韋應物劉禹錫張籍白居易居易長樂府用語
 平易以曲折盡情自成一家稍後而有杜牧李商隱牧詩豪而艷
 有氣槩人號小杜以別杜甫商隱學甫寄託深遠但語傷緜麗
七六大抵先秦諸子著書各欲立言傳道耳無意於為文而文自美
 矣西漢尚文辭極其雄麗文遂為學者之一藝自是以來名賢不

必皆能文，文士不必皆達於道。道與文歧而為二，八代之衰，曹陶最為詞宗。至徐庾而綺靡極矣。唐興，王楊沈宋鳴於時，雖盛且美，而不雅正。陳子昂唱古詩，而李杜成之。元結唱古文，而韓柳成之。韓柳沒後，少能繼其高風者。詩則作者接踵，至唐亡不絕。故後世論詩以唐為最盛，而杜詩韓文巍然冠絕一代矣。

第四章 佛教

六節 佛教入支那始於漢明帝時。前卷記之矣。然西漢既有其徵，霍去病擊匈奴降，渾邪王獲金人，還武帝列之甘泉宮。金人本休屠匈奴西邊屬部，蓋唐時揭盤陀國在蔥嶺中。王所祭蓋佛像也。哀帝時，月氏使者口授佛經於博士弟子秦景漢人，未之信。明帝遣景等之印度訪求佛道，携沙門迦葉摩騰竺法蘭東還，摩騰譯四十二章經，法蘭譯佛本行等經。自是西域沙門往往入漢，翻經傳道，漢人寢奉之。七節 三國時曹植好讀佛經，吳大帝亦甚敬沙門，於是佛教行於吳魏。印度僧

法時至洛，譯戒律。魏人始受戒，剃髮。晉初，敦煌郡名屬涼州今甘肅安西僧法護

周遊西域，大得梵經。至長安，傳譯佛教。東流自是而盛。懷帝時，印

度佛圖澄入洛，值晉亂，去投石勒。澄善誦神呪，聽鈴聲言吉凶，勒

敬事之，號為大和尚，詢軍國事。石虎立奉之，尤謹。趙人承風爭造

寺廟，出家學佛。七六節 常山郡名屬冀州今直隸正定府。道安性聰敏，日誦經萬餘言。

嘗至鄴縣名晉司州魏郡治石虎都之今河南彰德府臨漳縣，事佛圖澄，甚見重。石虎死，中原紛擾，安

避亂南駐襄陽郡名屬荊州今湖北襄陽府，布教晉境，以舊譯諸經文義難通，精思

十餘年，悉究深旨，析疑甄解，正其訛舛。秦王苻堅克襄陽，獲安大

喜，崇以師禮。敕學士有疑皆諮焉。堅方崇佛教，西僧眾天法喜眾

現等相繼入長安，與秦僧佛念譯出眾經。時龜茲西域國名今回疆庫車地僧鳩

摩羅什聰明淵博，化流西域。道安欽其名，每勸堅致之。鳩亦聞安

風，遙拜致敬，謂之東方聖人。安弟子慧遠自襄陽東至廬山在江西

北城西，與僧俗百餘人結蓮社，念佛。儒生厭世者，頗入其社。陶潛謝靈

運亦與之遊

七六符堅遣呂光西征破龜茲城獲鳩摩羅什俱還

會秦亂鳩留涼州

九節後秦主姚興滅秦降涼迎鳩入長安尊寵

極優鳩通秦言覽舊經多謬不與梵本相應與羣僧共譯經論數

百卷興大營塔寺公卿以下皆奉佛僧徒集秦京者五千餘人自

西域至者又數十輩州郡化之事佛者十室而九興以僧尼多行

濫令僧碧為國僧正統之僧有官自碧始

涼州智嚴賢雲北燕曇摩竭等前後西遊渡流沙踰蔥嶺適印度

訪道顯歷三十餘國大得經律航到師子國

着青州今山東東境著佛國記以紀其行嚴於罽賓印度國名今學禪法要

請禪師覺賢共到秦京雲還亦師覺賢後共入晉宋時嚴汎海再

遊印度而死竭自南印度航達廣州

侶多途斃顯猛往時各十餘人及還顯惟一人猛與其徒惟二人

竭往時二十五人惟五人得還是時佛徒惇信篤志勇於求法不

憚艱險西僧來宣教者亦愈多沙磧洋海來往如織晉宋之間顯

嚴雲竭等及諸西僧多居江左宣譯之盛亞於兩秦當世名士如

謝靈運顏行之何尚之皆為文贊揚佛理宋文帝崇佛名播海外

印度以東奉佛之國頻遣使朝貢頌帝功德是後諸帝皆敬三寶

至梁武帝益甚一節後魏襲兩秦之跡歷世奉佛惟太武帝深信

道教宗之過佛司徒崔浩常言佛法為世費害宜悉除之會幸長

安見寺僧犯法命案誅一寺浩因說帝下詔焚毀寺塔形像胡經

沙門無少長悉坑之自今以後敢有事胡神及造泥像銅像者門

誅時太子晃監國緩宣詔書使遠近豫聞得各為計僧徒多亡匿

或祕藏經像惟塔廟無復子遺及浩誅死佛禁稍弛文成嗣位詔

郡縣各建寺一區良民欲為沙門者聽西僧師賢等五人假為醫

而守道不改復教之日文成親為五人下髮二節獻文好覽釋典

少遜位建寺於北苑與數百僧習禪定孝文雖好儒亦不敢排佛

至宣武崇信最深胡僧至者三千人道希最以譯經著孝明時胡太后建永寧寺多作金像僧房千間塔高六十餘丈又遣宋雲慧生如印度求經得百七十部其後國亂民避賦役多為僧尼至二百萬人寺有三萬餘區七節宣武孝明方與梁武同世南北皆極佛法之盛武帝以慧約為師受具足戒太子王公以下受戒者五萬人大通元年武帝即位二十六年魏孝明帝孝昌三年我繼體帝二十一年南印度菩提達磨航到廣州武帝召見問曰朕多造寺寫經度僧有何功德達磨曰並無功德淨智妙明體自空寂如是功德非可於世求帝不悟達磨渡江適魏止於嵩山壁觀九年而沒達磨之教不依經論直指人心云見性可以成佛弟子慧可能傳其道達磨授袈裟以為法信七七周四節武帝好儒詔禁道釋二教悉毀經像令沙門道士並還俗隋文帝秉周政復行二教及受禪詔聽民出家仍令計口出錢營造經像於是時俗風靡民間佛書多於儒經數十倍初東魏慧文唱一心

三觀之說以授慧思思授之智顓顓廣其義立五時四教住居天

台山

在浙江台州府天台縣北

陳宣帝割始豐縣

屬揚州臨海郡今天台縣是也

以供其費僕射徐陵等

師事之陳亡後煬帝重顓賜號智者大師為建國清寺自是國清

為江南巨刹

五節

唐初太史令傅奕深惡佛上疏請除之高祖詔

百官雜議僕射蕭瑀以為奕非聖人當治其罪高祖以僧道多不

守戒詔有司沙汰之太宗停其命但禁私度定應度之數僧玄奘

聰睿篤學歷遊五印度得經論六百餘部而還太宗重之嘗留居

禁中晝則陪御談論夜分就院翻譯太宗親作三藏聖教序高宗

為撰述聖記高宗親大慈恩寺奉安新獲梵經及瑞像舍利等令

奘等居之奘沒勅斂以金棺銀槨奘譯經論凡千三百餘卷又撰

西域記以述地理風俗支那紀行之書莫詳於此

七七節

則天好營

大像中宗多造寺度僧耗盡無限玄宗勅僧尼三歲一造籍尋令

祠部給度牒至文宗時寺凡四萬餘所僧尼數十萬人武宗好道

而惡釋勅兩都各留二寺節鎮一寺餘皆毀撤勒僧尼歸俗凡二十七萬宣宗勅復廢寺僧尼之弊皆復其舊古來帝王排佛者三次魏太武帝周武帝及武宗也釋家謂之三武之禍七七節魏晉間佛徒講學未精其道渾朴無宗派之稱鳩摩羅什入關三論之學初盛其後諸宗踵興至唐有十餘家今舉其大者八述和漢傳通之畧一曰三論宗以中論百論十二門論為據初行於姚秦秦亡其徒多遷江南六傳至隋吉藏疏解詳備高麗慧灌學於吉藏唐初高祖武德八年我推古帝三十三年來朝弘三論二曰法相宗又名唯識宗以唯識論為據玄奘受之印度戒賢論師以授窺基高宗時我孝德齊明二帝時我道昭智通智達往師玄奘還傳其學三曰律宗戒律之譯勅於法時備於覺名覺賢後魏法聰深究其義數傳至唐法礪道宣等始以律為一宗天寶中我孝謙帝時鑑真來朝傳礪宣疏弘敷律儀四曰華嚴宗以華嚴經為據覺賢譯出之隋時法順發揮其學二傳至法藏宗義

愈明則天賜號賢首戒師新羅審詳傳其道來朝良辨受而弘之五曰天台宗慧文唱之智顛廣之自顛六傳至湛然詳製疏釋以授道邃六曰真言宗又名密教開元中印度善無畏金剛智至唐傳之不空繼智授之慧果德宗末年貞元二十年我桓武帝延曆二十一年我桓武帝遣最澄空海隨國使往求法最澄謁道邃受天台奧旨空海從慧果悉傳密藏七曰禪宗達磨所唱五傳至慧能徒眾滋繁分為青原南嶽二派唐末南嶽復分為瀉仰臨濟二派青原分為曹洞法眼雲門三派至宋末臨濟曹洞二宗始傳於本邦八曰淨土宗廬山蓮社開其緒道希譯淨土論曇鸞作之註唐道綽善導等勸諭淨業廣被緇素諸宗高僧參而修之無師傳之系號為寓宗本邦淨土祖師亦無入唐受教者

第五章 道教

七節 神仙之談 勑於戰國秦皇漢武深信之事詳前卷自此以來方

士羣出爭言導引服餌飛昇變化之術其說本與道家不相關老子主虛靜惟以治其心而已莊列頗說神人亦屬寓言方士之徒乃強解以為仙道之書稍稍自附之更稱道士遂推老君為天仙之長位次元始天尊七節漢順帝時沛鳳陽府宿州人張陵客蜀登

鶴鳴山在四川成都府崇慶州西北修煉自言受祕錄於老君以惑愚民行符水禁

咒之法從學者出五斗米時人謂之米道其徒號陵為天師張脩

張角倣之世稱三張角遂為大賊黃巾賊是也陵玄孫居龍虎山在江西廣信府貴溪縣西南

世傳其道歷代重之魏晉南朝崇尚老莊其君子事清

談其小人喜符祝禱祠於是道教寔盛與佛教並驅東晉初葛洪

止羅浮山在廣東惠州府博羅縣西北稱得仙術著書推明其理號抱朴子齊時

陶弘景隱於句容縣名屬揚州丹陽郡今屬江蘇江寧府修道業作真誥梁武帝厚遇之

士民受道者衆七節後魏太祖好佛老置仙人博士立仙房煮煉

仙藥遂服其藥得疾明元時高山道士寇謙之自言嘗遇老君降

命已繼張陵為天師授以服氣輕身之術及科誡書使之清整道

教又遇神人李譜文老君玄孫也授以錄圖真經使劾召百神輔

北方太平真君太武即位謙之詣闕獻其書人多未信崔浩獨師

受其術上書讚之太武乃起天師道場顯揚新法後改元曰太平

真君親備法駕而受符籙謙之奏造靜輪宮令其高不聞鷄犬欲

以上接天神功役萬計經年不成謙之死人以為尸解而去自是

道教大行齋醮符咒金丹玉漿之法紛紛競起每帝即位必受符

籙以為故事刻天尊及諸天仙之像而供養焉周武帝信道士衛

元嵩欲廢釋教僧徒爭之帝遂并罷二教七節唐高祖時晉州今

西平妖人自言於羊角山在平陽府浮山縣南見老君曰為吾語唐天子吾而祖

也詔就其地立廟蓋李唐與老子同氏故諛者附會之也高宗幸

亳州屬河南道今屬安徽潁州府謁老子廟上尊號曰太上玄元皇帝以皇緒出

玄元詔王公以下皆習道德經令明經舉人策試以道士隸宗正

寺班在諸王之次。七節東晉道士王符作老子化胡經謂西土亦被老子教化佛徒怒之歷世論爭高宗集僧道論其真偽僧法明折之道流無能應者勅搜聚化胡經焚之則天時僧慧澄又請毀化胡經八學士議狀以為非偽中宗復位以僧道互謗徒辱教祖詔除此偽經。七節中宗詔諸州各治觀一所觀者道教之寺也睿宗以二公主為女冠自是皇女有入道者玄宗最重道教制令士庶家藏道德經一本帝親作註疏兩京諸州各置玄元廟依道法齋醮兼置崇玄學生令習道德經及莊文列子以應貢舉兩京崇玄館置學士大學士追號莊文列庚桑子皆為真人尊其書為真經以道德經列羣經首諸郡開元觀以金銅鑄等身天尊像五岳及靈山仙跡並禁樵採立祠宇多度道士以修祭祀尊玄元為大聖祖聖祖前立文宣王像與四真人列侍左右是時公卿吏民爭奏符瑞神異之事宰相李林甫等皆捨宅為觀以祝聖壽帝悅肅

代德憲之際道教之盛稍遜於佛然以其為皇家正教名位常在佛上武宗寵道士趙歸真親受法籙歸真與其徒同毀釋氏於是斥佛之議行焉。七節長生之說本由人情惡死而起帝王身極富貴無所欲而不獲不如意者則壽而已故苟有可以補壽者雖耗財妨民不顧也憲宗廣求方士或薦山人柳泌泌以天台多靈草求為州長吏帝從之驅吏民採藥諫官爭之帝曰煩一州之力能為人主致長生臣子亦何愛焉人主貪生不憚民害有如是者七節秦漢以來帝王求仙藥史不絕書而服餌買禍莫甚於唐太宗時王玄策使印度得一方士還帝命造延年藥歷年而成帝服之致暴疾以崩高醫束手議者欲誅方士恐取笑外國不果高宗時有婆羅門自言能合不死藥帝將服之賴郝處俊諫乃止又使嵩山劉道合作金丹丹成而死帝聞恨曰為我合丹而自服仙去憲宗服柳泌藥日加燥渴數暴怒責左右竟以遇弒穆宗以泌付京

北府杖死是固知仙藥之效果矣乃未幾聽趙歸真之說亦餌其藥疾作而崩敬宗遂歸真而寵劉從政發使採藥江南武宗召歸真等八十一人於禁中鍊丹餌之得疾崩宣宗立誅歸真既而餌太醫所治丹劑病燥疽發背崩六節穆敬昏愚其被惑固無足怪太憲武宣皆英主乃甘以身試劇藥實由貪生之心太甚也宣宗嘗迎羅浮山軒轅集問長生道集曰王者屏欲而崇德則自然受天遐福何更求長生使宣宗從集言則縱令不得登仙何至速其死哉

第六章 基督教 附蘇魯支教摩尼教摩哈麥教

七節東漢初西曆第一世紀基督教起於猶太國今土耳其國叙利亞南部巴列斯丁漸行於西亞細亞及歐邏巴波斯國舊有蘇魯支教敬火以表天神故亦名事火教其僧曰穆護魏晉間西曆第三世紀波斯人摩尼者自言受神命紹基督之業附會基督教與蘇魯支教雜以佛說世謂之摩尼教或曰摩

尼嘗避難至印度及支那其事不詳後魏太武帝時宋文帝時西曆四百三十年前後邏馬東都有教主涅士脫流斯以唱道新義為眾僧所責遠謫而死其徒堅守師說號涅士脫良派波斯人多信奉之波斯王斐魯日斯遂建為國教置教主於色流斯亞波斯名都故址在古巴比倫城東北十六里底額里河西岸教化東方至宣武帝時梁武帝時西曆第六世紀之初印度支那薩末鞬漢康居國今露國撒馬兒干皆有教主所差僧正宣傳其教薩末鞬又有祆神祠祭穆護所奉天神據魏書是時西僧至者極眾蓋涅士脫良僧及穆護等亦多在其中也七節北齊後主好褻鬼神躬自鼓舞以事胡天後周欲招徠西域亦有拜胡天制其儀悉遵胡俗胡天即祆神也唐初立祆祠於長安置薩寶府以主其祭有祆正祆祝等官皆以胡人為之其後平西域祠部歲再祀磧西諸州火祆而唐民自祈祭則禁之七節貞觀中我舒明帝時西曆六百三十四年涅士脫良僧阿羅本齎經至長安太宗使房玄齡賓迎留禁中翻經命有司造波斯寺度僧二十一人其徒

自號景教高宗更於諸州置景寺號阿羅本為鎮國大法主於是

景教大行則天時延載元年我持統帝八年西曆六百九十四年波斯人拂多誕持二宗經入唐

相傳其徒不嫁娶互持不語病不服藥死則裸葬是似摩尼戒法

開元二十年我聖武帝天平四年西曆七百三十二年敕以摩尼法假冒佛教邪見惑民嚴加

禁斷唯西胡等自行鄉法不科罪玄宗雖斥摩尼而景教則頗獎

之嘗令寧國等五王臨波斯寺建壇場賜五聖高祖太宗高宗中宗睿宗寫真奉

安寺壁又召眾僧入宮修功德天寶四年我天平十七年西曆七百四十五年改兩京諸

州波斯寺為大秦寺時波斯既亡國人歸摩哈麥教而大秦即羅

馬基督教專行其國故變寺號以稱其實也肅宗於靈武屬關內道今甘肅寧夏府

靈州等五郡重興景寺朔方節度使郭子儀與印度僧伊斯修飾

堂宇每歲集四寺僧徒施以衣食德宗建中二年我光仁帝天應元年西曆七百八十二年

京大秦寺僧景淨立景教碑碑至今猶存由是得知當時基督教

流行之狀七九節回紇素崇摩尼教自肅宗借援回紇其徒多入居

內地代宗命回紇在京者建摩尼寺賜額為大雲光明回紇請於

荆荆南節度治今湖北荆州府揚淮南節度治今江蘇揚州府洪江南西道治所今江西南昌府越屬江南東道治所今浙江紹興府等州皆

置大雲光明寺憲宗時我嵯峨帝時西曆第九世紀之初河南府名東京所在太原府名河東節度治所今山西首府

亦置摩尼寺於是西國宗教入支那者三種時人謂之三夷寺武

宗之排佛也大秦寺摩尼寺皆廢罷京城女摩尼七十人皆死流

回紇於諸道死者大半景僧祇僧二千餘人並放還俗自是三教

俱微唐史無述焉唯摩尼猶盛行於回紇至宋代不衰七九節隋世

者皆稱教皇高宗時我孝德帝時西曆第七世紀之初擊併波斯疆土益廣東接蔥嶺

唐人謂之大食國大食者波斯人呼阿刺伯人之名也大食屢朝

唐或由磧路或從海程其民善賈唐以廣嶺南節度治今廣東首府杭屬江南東道治所今浙江首府等

州與之互市於是摩哈麥教徒往往入唐僖宗乾符四年我陽成帝元慶元年西曆八百七十七年流賊陷杭州亞刺伯商亞伯齋都著東洋紀行記激浦杭州埠頭今浙

江嘉興府海鹽縣澉浦鎮屠掠之事曰摩哈麥基督猶太波斯諸教徒死者十二萬人

西人來集之多可以見也

第九篇 制度之沿革

第一章 職官

七節秦漢以丞相總百揆御史大夫貳之九卿奉常後改太常郎中令後改光祿勳衛尉太僕廷尉典客後改大鴻臚宗正治粟內史後改大司農少府分理國事東漢置三司太尉司徒司空分部九卿而衆務轉歸

尚書公卿稍以失職魏置中書監令委以機衡之任而尚書亦疎

外侍中漢代為親近之職晉宋選用漸增華重人主以其常在左

右多與之議政事不專任中書於是又有門下省而中書之權始

分南朝後魏皆有尚書中書門下秘書集書或曰散騎省五省而九卿猶

沿秦漢北齊加中侍中省為六省尚書管六部吏部殿中祠部事門下五兵度支都官

掌獻納諫正中書管司王言秘書典司經籍集書掌從容諷議中

侍中掌出入門閣南北皆以侍中中書令總機要而尚書唯聽命

受事而已七節後周依周禮建天地四時之官太師太傅太保謂

之三公少師少傅少保謂之三孤皆為論道之官不親政務天官

大家宰掌理邦國以一官之長兼統五官地官大司徒掌民事春
 官大宗伯掌禮事夏官大司馬掌兵事秋官大司寇掌刑事冬官
 大司空掌工事謂之六卿小冢宰小司徒等為之貳皆上大夫也
 其下有中下大夫上中下士分屬六官武官及州縣官參用秦漢
七九 魏晉以來職制日增尚書五六人分領諸曹令為之長左右
四九 僕射貳之設曹多至三十有餘其職多與九卿重複庶務煩滯後
 周六官似無其弊然官名奇古國祚又短促人情相習已久不能
 革其視聽隋復廢六官多依北齊之舊改侍中中書令為納言內
 史令是為宰相以六部吏部禮部兵部刑部民部工部尚書領二十四司吏部主爵司勳考功禮部祠部主客膳部
兵部職方駕部庫部刑部都官比部司門民部度支金部庫部工部屯田虞部水部煬帝行新令有五省尚書門下內史秘書殿內三臺御史
司隸九寺太常光祿衛尉宗正太僕大理鴻臚司農太府少府長秋國子將作都水十二衛左右衛左右驍衛左右武衛左右屯衛左右禦衛左右候衛
 較之周制如六尚書似其六卿而別有寺監則民部與司農太府
 分司徒職事禮部與太常分宗伯職事刑部與大理分司寇職事

工部與將作分司空職事衛尉掌軍器儀仗太僕掌乘輿廐牧而
 兵部又置駕部庫部司與之分職鴻臚有典客署而禮部又有主
 客司都水領舟楫河渠署而工部又有水部司自餘官司重設多
 類於斯七九 丞相之官歷代或置或省或為贈官漢末曹操自居
 之遂建魏國自是丞相相國多為非常之任丞相完臣節者唯諸
 葛亮王導王猛等數人而已司馬昭司馬倫桓玄劉裕蕭道成蕭
 淵陳霸先皆為相國爾朱榮高歡宇文泰侯景楊堅李淵皆為大
 丞相莫非為篡奪之階三公位尊而職曠宰輔任專而品卑故姦
 雄謀擅代者不屑居之必先假上相之位以自異於諸臣也七九
 唐職員多因隋制雖小有變革而大較不異令三省之長中書令侍中尚書令
 參議國事不復置丞相其後以太宗嘗為尚書令臣下避不敢居
 其職由是僕射為尚書省長官與侍中中書令共稱宰相其位號
 既崇不欲輕以授人故以他官居宰相職而假以他名參預朝政

參知政事參知機務之類其名非一三省長官既各有分掌然宰相之職無所不統則不容局於一省故合中書門下之職設政事堂於門下以為宰相議事所後徙之於中書貞觀中李世勣以太子詹事同中書門下三品謂同中書令侍中也高宗時為宰相者皆加同中書門下三品雖侍中僕射亦然唯中書令則否其後高宗欲用侍郎郭待舉等為相以其資任尚淺止令與中書門下同承受進止平章事同平章事之名蓋起於此則天改中書門下為鳳閣鸞臺則同三品同平章事亦曰同鳳閣鸞臺三品同鳳閣鸞臺平章事同平章事初在同三品之下中世以後則獨為真宰相之官矣宰相本無定員玄宗常以二人為限或多則三人肅宗以後功臣如郭李以節度使同平章事謂之使相故備相位者衆然其執朝政者亦一二人而已自後強藩田承嗣李希烈之徒相繼皆為使相於是同平章事有真假之別矣七軌官人之數逐世增

加後漢國大內外官七千五百餘人內官千餘人外官六千五百餘人西晉稍小六千

八百餘人內官九百餘人外官五千九百餘人宋後魏地半於漢晉而官吏不減宋幾於

西晉之數內官八百餘人外官五千三百餘人合六千一百餘人後魏則踰於後漢太和內官二千三百餘人外官五千四百餘人合七千七百餘人隋開皇中官員一萬二千五百餘人內官二千五百餘人外官一萬人三分後漢

而加其二唐貞觀六年我舒明帝四年大省文武官內官定員六百四十二人而已其後稍置員外官則天嘗欲收人心凡舉人無賢不肖咸

加擢拜大置試官以處之中宗大增員外官凡三千餘人於是遂有員外檢校試攝判知之官景龍中我元明帝和銅初太平安樂諸公主及

上官昭容等樹黨鸞官擅降墨勅斜封以授號為斜封官時朝綱

既紊政出多門遷除猥衆宰相至十餘人左右臺御史及內外員

外官多者則數踰十倍皆無廳事可以處之時人謂之三無座處

謂宰相御史及員外官也七九八節玄宗懲其弊大革姦濫至開元二十五年我聖武帝天平九年

增刪祖宗之舊制著為格令定省尚書中書門下秘書殿中內侍凡六臺御史寺同隋監少府將

軍器都軍左右衛衛驍衛武衛威衛領軍金吾東宮詹事府左右春坊家令率更僕三

水凡五羽林衛監門千牛各有左右凡十六府府京兆河南州凡三百督上中下護安東安北單于安西之職員管掌內官

凡二千六百二十員外官凡一萬六千八百八十五員然法屬具文不能事事遵用且本制之外有因事置使者採訪處置使以察訪

十五道京畿都畿關內隴右河東河北河南淮南山節度團練等使以督府軍

事租庸轉運鹽鐵青苗營田等使以毓財貨其餘細務便宜設官

名類繁多莫能徧舉如宰相楊國忠至一人領四十餘使其轉運

以下諸使無適所治廢置不常七九天寶末我孝謙帝天盜起兵興

府庫無蓄積朝廷專以官爵賞功諸將出征皆給空名告身自開

府特進列卿大將軍下至中郎將聽臨事注名其後又聽以信牒

授人官爵有至郡王者諸軍但以職任相統攝不復計官資高下

至德二年我孝謙帝天郭子儀敗于清溝在陝西乾州復以官爵收散

卒由是官爵輕而貨重大將軍告身一通纔易一醉凡應募入軍

者一切衣金紫至有朝士僮僕衣金紫稱大官而執賤役者名器

之濫極焉代宗寵任宦官置內樞密使使之掌機密文書德宗以

禁軍盡委宦官自是庶柄歸內侍號曰北司謂政府為南司穆敬

以後北司益橫南司常受劫制臺省寺監不能舉其職貞觀開元

之法度至是悉壞矣歷代官名沿革表歷代命品表唐百官表並見卷末附錄

第二章 州郡

八○晉兼三國之地置州十九曰司今河南西北境及陝雍今陝西中部秦

節今甘肅涼今甘肅并今山西冀今直隸保幽今直隸平今盛兗今山東秦

青今山東徐今江蘇豫今河南揚今江蘇平今江蘇兗今山東秦

荆揚置江州今湖北武昌府割荆廣置湘州今湖南東晉偏安河北

關洛沒於胡羯諸州多僑置於南境遷徙無常秦寄治梁州青兗

寄治徐州司豫寄治荆揚之地幽平并涼則不置孝武大破苻秦

為唐起兵之地陞為太原府置北京其牧尹之制同兩京八節魏

晉以來刺史往往加都督諸軍事周改都督為總管唐初復置總

管於諸州尋改為都督睿宗置二十四都督以并益屬劍南道今荆

屬山南道今屬淮南道今揚屬揚州府為四大都督府玄宗加潞州屬河東道今為五

其中下都督亦增其員又自京都謂京北河及大都督府之外以近

畿之州為四輔同華餘為六雄鄭陝汴十望宋毫滑許汝十緊後入緊州

復具及上中下之差又於邊疆列置節度使即都督加旌節者也權

任甚重守令皆屬之牧民之政寢移於藩鎮八節禹定九州漢增

為十三晉又增為十九是皆域內之大區劃也唐統州三百餘細

於漢郡三倍而莫有大區劃太宗因山川形便分為十道見五九遣

使以六條詔巡按諸州正是漢代舉刺之職也其後屢發使者有

存撫巡察按察等之名玄宗復分為十五道見六二置採訪處置使

察訪政蹟治於所部之大郡肅宗改為觀察處置使諸鎮之地則

不置多以節度兼之德宗末年節度使三十觀察使十防禦使四

經畧使三大者連州十餘小者猶兼三四全國析為四十七道自

後紛紜變更乍合乍離無復常制始時為唐患者號河朔三鎮及

其末也國門以外皆為強敵唐以亡矣

第三章 選舉

八節秦自孝公以富國強兵為務仕進之途唯闢田與勝敵而已漢

五節初公卿多自武夫出及國內既平取士漸廣或郡國薦舉或公府

辟召或自州郡曹掾積累而升或自軍士進為將校或以世胄為

郎吏謂之任子其由郡國之薦者士人出身之常塗也其目大約

有三曰賢良方正曰孝廉秀才曰博士弟子六節文帝重治詔諸

侯王公卿郡守舉賢良方正能直言極諫者帝親策之以為常侍

諸吏賢良對策始於斯武帝即位初董仲舒對賢良策勸以興太

學及使郡國貢吏民之賢者帝從之始詔舉孝廉秀才縣次續食

令與計偕。又令太常擇關中民補博士弟子。郡國亦察好學者詣太常受業。如弟子皆考試選用。是後秀才廉吏與公卿二千石子弟多拜為郎。更直宿衛。無常員。或至千人。光祿勳考其德行而詮第之。他官有闕。即用補之。凡日蝕地震天地災變。諸帝皆詔舉賢良。率以為常。又特有要任。使輒標材藝之目。而令貢之。或遣使者搜舉。七節東京公府辟召。最為儒者之榮。其郡國之常貢。則孝廉為盛。名士多出其中。章帝時。茂材孝廉。歲以百數。郡縣不加簡擇。士或矯飾竊名。乃詔凡舉士。先試之。以職乃得充選。然守相怠於奉法。濫吹漸甚。請謁繁興。舊制貢士無黜落法。皆得入官。然賢良文學。則有對策。足以見其才識。若孝廉則取其履行。故莫須策試。順帝時尚書令左雄改察舉之制。郡國舉孝廉。限年四十以上。儒生試經學。文吏試牋奏。繆舉者正其罪。察選清平。多得其人。後黃瓊為尚書令。以孝廉專選儒學文吏。於取士猶有所遺。奏增孝

悌。及能從政者。為四科。八節曹丕為魏王時。吏部尚書陳群奏立九品官人之法。州郡皆置中正。擇本處之賢有識鑒者為之。區別所管人物。第為九等。上之尚書據狀選用。其武官之選。俾護軍主之。晉因魏制。州有大中正。郡國有小中正。皆掌選舉。自是州郡無計偕之事。公府無辟召之事。士之入仕者。中正銓其高下。吏部司其升沉而已。中正之設。本欲歸重於鄉評。以核其素行。當時雖風教頹失。然尚有清議。足以勸懲。其後中正任久。愛憎由己。而九品之法漸弊。遂計官資以定品格。惟以閱閱為重。非復辨其賢愚。上品無寒門。下品無世族。南北朝選舉之法。無大變更。雖有秀孝之目。策試之事。多屬具文。而九品及中正。至隋初始罷。九節漢法。刺史以六條察二千石。歲終奏之。三公定其殿最。而行賞罰。魏明帝時。以士人毀譽難辨。作都官考課之法。欲以考覈百官。後竟不行。後魏孝文勵精求治。內官五品以上。皆親考覈。六品以下。輒委尚

書三載一考量其優劣爲三等上者遷之下者黜之中者守其本任賞罰大行然時俗專貴門地吏部銓選罕有才舉孝明時有羽林之亂胡太后乃命武人得依資入選既而官員少應調者多吏部無以處之侍郎崔亮奏立停年格官不問賢愚停罷年久者則先擢用自是選曹唯取年勞勛簿呼名無所鑑別北齊革年勞之制後周罷門資之例皆頗謹察舉然國祚短促法度不備八一節自古州郡僚屬皆長吏得自辟置北齊後主多佞幸屢降中旨以州郡官與之由是刺史太守辟士之權寢移於中朝至隋內外六品以下官咸吏部所掌州郡無復辟署矣八一節隋時諸州常貢之士隨例銓注不分優劣唯舉秀才者有策試煬帝始建進士科試詩賦及策唐舉人由學館者曰生徒博士課試舉其成者不由學館者曰鄉貢投牒自舉州縣試而送之皆到尚書省應試其科有秀才明經進士明法書算之目皆歲舉之常科也秀才等最高試以

方畧策五道其後廢絕進士試雜文二篇時務策五道明經每經十帖經策十條帖者掩經之兩端中間開唯一行裁紙爲帖凡帖三字而令讀之唐人尚文辭進士爲士林華選俊乂多由是而出或颺文名或登顯列又歲舉之外有制舉膺漢之賢良數年一行之所以待非常之才試之日唐帝親臨觀之文策高者特授美官開元以後藝文甚盛士競舉業舉人每歲二三千得第者大抵二十而一至制舉則百纔收一時進士以聲韻爲學多昧經史明經但務帖誦罕窮旨趣玄宗勅改試目進士文策之外試大經十帖明經帖經之外每經問大義十條罷經策代以時務策三道玄宗方弘道教遂設道舉代宗時楊綰患舉人之奔競奏設孝廉科皆不久而罷德宗以開元禮準經建爲一科憲宗以史學多廢立史科及三傳科八一節唐授官之制多循前代五品以上有冊授有制授六品以下皆旨授凡旨授官悉由於銓選選有文武文選屬吏

部武選屬兵部皆尚書侍郎主之兵部課試如舉人之制取其軀幹雄偉應對詳明有驍勇才藝及可為統帥者吏部擇人以四事一曰身取其體貌豐偉二曰言取其言詞辨正三曰書取其楷法道美四曰判取其文理優長白身求官者則應貢舉有出身有前資者則應文選吏部之屬有考功司考功郎中掌考課考官吏之功過定其殿最而升降之考功員外郎掌貢舉舉人及落一在其手玄宗以員外郎望輕移貢舉於禮部以侍郎主之於是舉士之與舉官分為二途策試之法銓選之法日新月異不相為謀士之欲以文章達者舉於禮部而不舉於吏部則不得官登錄既難請托愈盛考官又多偏私衡鑑不明以韓愈之才四試於禮部始得出身三試於吏部無成十年猶布衣寒士之難於進如此八節高宗以來選人猥衆內外盈溢門蔭武功藝術胥吏之類衆名雜目不可勝紀開元中諸色出身每歲二千餘人方於明經進士多十

餘倍是時內外官萬八千餘員而合入官者凡十二萬餘人率十人爭一官有出身二十年不獲祿者吏部尚書裴光庭奏用循資格限年躡級毋得踰越非負譴者皆有升無降蓋本於崔亮停年之制也自是有司但勘資例考課遂為死法肅代以後兵亂官弊詮法無可道者德宗時國境既蹙吏員減天寶三之一而入流者加一士人二年居官十年待選而考限遷除之法亦壞矣

第四章 賦稅

八節三代賦稅之事不詳禹貢雖列九州田賦之差等而不言取於民之多寡相傳殷人創作井田之制謂之助法周亦沿而行之儒者誇說以為聖王之美政其畧曰方里而井百畝者九中為公田八家皆私百畝同養公田不稅其私田公田百畝廬舍在其中名為九一其實什一也班田均平收授在上蓋太古稼穡之始起也黎民各占便地皆為田主及部族漸大列為諸侯則權力集於公

家農夫悉為賤隸而有土田者唯王與諸侯而已其後戶口滋繁民或流徙不得耕稼於是均田之法起焉其施行之難易廣狹與其及於民之利弊則今不可得考降及戰國其制久廢民自占田貧富不均史稱秦商鞅除井田然非鞅能除之因其既廢而設新法也鞅開阡陌計民田之多少以制賦稅皆為永業任其賣買令力農相競以盡地利於是田野大闢數年而國富八節兩漢取於民有田租有口賦有更賦田租初十五而稅一文帝節儉以蓄積歲增除租者十餘年景帝繼之收半租自是為三十之一民年十五以上至五十六出錢人百二十為一算謂之口算自三歲至十四出錢二十三謂之口錢皆口賦也元帝以後令七歲始出口錢二十乃算漢時民皆為更卒一月戍邊三日次直者不欲為卒出錢二千不願戍者出三百是為更賦自井田廢絕豪民兼并漸甚漢田租極輕田主得擅其利貨殖盛興或富比王侯貧人耕其田

十分輸五而口賦更賦則不別貧富均課之窮餓無告者多為奴婢成哀之世奴婢逾眾置市賣買至與牛馬同闌王莽欲矯其弊禁賣買田及奴婢田有盈者分以與不足者犯令法至死莽以此招民怨遂取敗亡六節晉武帝分民為正丁男女年十六以上至六十次丁十五以下至六十老六十五以上小十二以下定戶調丁男之戶歲輸絹三匹綿三斤女及次丁男為戶者半輸占地男子一人七十畝女子三十畝課田丁男五十畝丁女二十畝次丁男半之之數此似實行均田然史不言其收授之法至後魏而均田始大行焉蓋魏晉以來世久亂離民戶耗減豪富亦失產田多曠廢皆收在官孝文帝好古道遂倣井田之意立均給之制太和九年齊武帝永明三年下詔給田男夫十五以上受露田四十畝婦人二十畝奴婢依良牛一頭受三十畝限止四牛正田之外皆給倍田以供耕休及還受之盈縮老及身沒或賣奴婢牛則還田男夫桑田二十畝為永業身終不還有盈者得賣其盈不得賣其分不足者得買所不足不得買過所足麻布之士別給麻田男夫

十畝婦人五畝皆從還受之例其租調之率史無明文大約戶粟三石帛五匹八節北齊給授田令仍依魏朝武成帝定制男子十五以下為小十六十七為中丁十八以上為丁受田二十充兵六十免力役六十六以上為老退田一夫一婦為一牀租二石五斗調絹一匹綿八兩未娶者及奴婢半之後周有室者受田百四十畝賦絹一匹綿八兩粟五斛單丁百畝賦半有室者豐年全賦役三旬中年半賦役二旬下年賦一役一旬若凶札無賦役隋制男女始生為黃四歲以上為小十六為中二十一為丁從課役六十為老乃免其永業露田皆遵北齊一牀租粟三石桑土調絹純綿麻土調布麻文帝既平陳益寬徭賦民年五十者免役收庸八節唐高祖沿齊隋之制定均田租庸調法丁中之民給田百畝以二十畝為永業其餘為口分死則收之皆不得貼賃及質田多可以足人者為寬鄉少者為狹鄉狹鄉授田減半徙鄉及貧無以葬者

得賣永業田自狹鄉而徙寬鄉者得并賣口分田已賣者不復授每丁租粟二石調隨鄉土所宜輸絹綾純綿布麻歲役二旬不役則收庸日絹三尺有事而加役旬有五口免其調三旬租調俱免水旱蟲霜什損四免租損六免租調損七課役皆免歲造計帳三年造戶籍九節則天以來民避徭役逃亡漸多田移於豪戶官不收授開元後久不為戶籍法令廢弛兼并之弊有踰漢代玄宗事夷狄戍者多死邊將諱不以聞故貫籍不除天寶中戶口使王鉞按舊籍責三十年租庸民苦無告法遂大弊安史之亂國用不給科歛凡數百名百姓殘瘁蕩為浮客德宗時楊炎為相作兩稅法夏輸限六月秋輸限十一月先度經費而賦於民量出制入戶無主客以見居為簿人無丁中以貧富為差行商者在所州縣稅三十之一度所取與居者均使無僥利其租庸雜徭悉省而丁額不廢按諸道丁產等級以前年墾田之數為定而均收畝稅免鰥寡

孤獨不濟者，於是民皆地著，得其虛實，吏姦無所容，輕重之權始歸朝廷矣。○二節德宗用兵兩河，府庫不支，橫征苛斂，以濟時急，民心由是離怨，自初定兩稅，貨重錢輕，乃計錢立稅率，而輸綾絹，既而物價愈下，所納愈多，至輸一者過二，有司又折估以增徵，重為民困，議者多歸咎兩稅，然此乃培克之吏所為，非法之不善也。自後魏以來，班田之權在官者，殆三百年，田之授受不常，簿籍煩雜，而租稅不與貧富相應，及兩稅行，其弊始革，田皆為永業，是後歷五代，以至宋明，租稅之法，時有得失，而隨產制賦之原則，則不得復改也。

附錄

晉及列國世系

晉司馬氏受魏禪，凡四世五十二年，為漢主劉聰所滅，元帝據江東，是為東晉，凡十一世，一百四十四年，禪于宋通，前後凡十五世，一百五十六年。
 舞陽宣武侯高祖宣帝懿
 舞陽忠武侯世宗景帝師
 晉文王太祖文帝昭
 一世祖武帝炎
 瑯邪武王佑
 瑯邪恭王觀
 孝惠帝衷
 吳孝王晏
 孝懷帝漢會稽公熾
 孝愍帝漢懷安公業

中宗元帝睿
 肅宗明帝紹
 顯宗成帝衍
 廢帝海西公奕
 太宗簡文帝昱
 烈宗孝武帝昌明
 安帝德宗
 恭帝宋零陵王德文

益州牧始祖景帝特
 鎮軍將軍蕩
 太宗武帝雄
 廢帝叩都幽公期
 漢獻王獻帝驥
 中宗昭文帝壽
 晉歸義侯勢

漢劉氏匈奴南單于之裔，暉改號趙，是為前趙，有國四世，二十六年，為後趙王石勒所滅。
 高祖光文帝淵
 烈宗昭武帝聰
 隱帝粲
 暉淵之子
 後趙石氏，上黨羯人，有國七世，三十三年，為冉閔所滅。

高祖明帝勒
廢帝海陽王弘
太祖武帝虎弘
廢帝譙王世

燕 慕容氏遼東鮮卑稱帝二世十九年自鹿為遼東公五十年為秦王苻堅所滅後燕建國五世二十六年馮跋代之西燕三世十年為後燕主垂所滅南燕二世十三年為晉劉裕所滅

遼東武宣公高祖武宣帝廆 燕文明王太祖文明帝皝
幽帝前秦新興侯暉
濟北王泓
威帝冲
烈祖景昭帝雋
世祖成武帝垂
昭文帝熙
中宗昭武帝盛
惠懿帝雲

北燕 馮氏代後燕二世二十八年為魏太武帝所滅
穆帝納
世宗獻武帝備德
昭成帝弘
昭成帝弘

秦 苻氏畧陽氏人有國六世十四年為後秦主姚興所并
高祖景明帝健
廢帝越厲王生
世祖宣昭帝堅
哀平帝丕

後秦 姚氏南安羌人有國三世三十四年為晉劉裕所滅
太宗高帝登
崇
東海敬武王文桓帝雄
哀平帝丕

高陵公始祖景元帝弋仲
太祖武昭帝萇
高祖文桓帝興
高祖文桓帝興
高祖文桓帝興
高祖文桓帝興
高祖文桓帝興
高祖文桓帝興

西秦 乞伏氏隴西鮮卑有國四世四十七年為夏主赫連定所滅
太祖文昭王熾盤
暮末
高祖武元王乾歸
太祖文昭王熾盤
暮末

夏 赫連氏初姓劉漢主淵之族有國三世二十五年為魏太武帝所并
太祖桓帝劉衛辰
世祖武烈帝勃勃
昌
定

前凉 張氏為晉涼州刺史後或稱涼王領州九世七十五年為秦王苻堅所滅
西平武穆公軌
西平元公寔
凉文王駿
西平敬烈公重華
西平哀公曜靈
西平冲公玄靚

後凉 呂氏氏人有國四世十八年為後秦王姚興所滅
太祖懿武帝光
隱王紹
靈帝纂
西平武穆公軌
凉成烈王茂
西平元公寔
凉文王駿
西平敬烈公重華
西平哀公曜靈
西平冲公玄靚

南凉 秃髮氏河西鮮卑有國三世十八年為西秦王乞伏熾盤所滅
太祖懿武帝光
隱王紹
靈帝纂
西平武穆公軌
凉成烈王茂
西平元公寔
凉文王駿
西平敬烈公重華
西平哀公曜靈
西平冲公玄靚

北凉 段氏稱王一世五年沮渠氏代之沮渠匈奴左沮渠王之後有國二世三十九年為魏太武帝所滅
太祖懿武帝光
隱王紹
靈帝纂
西平武穆公軌
凉成烈王茂
西平元公寔
凉文王駿
西平敬烈公重華
西平哀公曜靈
西平冲公玄靚

烈祖武王烏孤
康王利鹿孤
景王儁檀
太祖懿武帝光
隱王紹
靈帝纂
西平武穆公軌
凉成烈王茂
西平元公寔
凉文王駿
西平敬烈公重華
西平哀公曜靈
西平冲公玄靚

北凉 段氏稱王一世五年沮渠氏代之沮渠匈奴左沮渠王之後有國二世三十九年為魏太武帝所滅
太祖懿武帝光
隱王紹
靈帝纂
西平武穆公軌
凉成烈王茂
西平元公寔
凉文王駿
西平敬烈公重華
西平哀公曜靈
西平冲公玄靚

①段業 ②太祖武宣王沮渠蒙遜 ③哀王牧健

西涼 李氏有國二世二十二年為北涼沮渠蒙遜所滅

④涼公太祖武昭王暕 ⑤敬

南北朝隋唐世系

宋 劉氏漢楚元王交之後代東晉凡八世六十年禪于齊

①高祖武帝裕 ②廢帝營陽王義符 ③太祖文帝義隆 ④世祖孝武帝駿 ⑤廢帝子業 ⑥太宗明帝彧 ⑦廢帝蒼梧王昱 ⑧順帝齊汝陰王準

齊 蕭氏漢相國何之後代東晉凡七世二十四年禪于梁

始安貞王後景皇道生 ⑤高祖明帝鸞 ⑥廢帝東昏侯寶卷 ⑦和帝梁巴陵王寶融

②太祖高帝道成 ③世祖武帝蹟 文惠太子世宗文帝長懋 ④廢帝鬱林王昭業 ⑤廢帝海陵恭王昭文

梁 蕭氏齊之疎族代齊凡四世五十六年禪于陳後梁建國三世三十三年為隋文帝所廢

①高祖武帝衍 ②昭明太子高宗昭明帝統 ③中宗宣帝譽 ④世宗孝明帝歸 ⑤隋高祖公琮 ⑥世祖孝文帝綱 ⑦敬帝陳江陰王方智

陳 陳氏後漢太丘長寔之後代梁凡五世三十二年為隋文帝所滅

①始興昭烈王道譚 ②世祖文帝清 ③廢帝臨海王伯宗 ④高祖武帝霸先 ⑤高宗宣帝頊 ⑥後主隋長城煬公叔寶

後魏 拓跋氏漢魏以來世為索頭部可汗西晉末封代王道武稱魏王尋稱帝孝文改姓元氏恭帝又復拓跋凡十四世百五十九年自道武為王百七十一年禪于後周東魏一世十七年禪于北齊



③世祖太武帝燾 景穆太子恭宗景穆帝暹 ④高宗文成帝濬 ⑤顯祖獻文帝弘 ⑥高祖孝文帝宏 ⑦世宗宣武帝恪 ⑧肅宗孝明帝詡 ⑨廢帝欽 ⑩京兆王文景帝愉 ⑪文帝寶炬 ⑫恭帝周宋公廓 ⑬范陽文獻王曄 清河文宣王亶 ⑭孝靜帝北齊中山王善見 ⑮廣平文穆王武穆帝懷 ⑯孝武帝脩 ⑰敬宗孝莊帝子攸 ⑱節閔帝恭

北齊 高氏代東魏凡六世二十八年為周武帝所滅

渤海獻武王高祖神武帝歡 ①顯祖文宣帝洋 ②廢帝濟南閔悼王殷 ③肅宗孝昭帝演 ④世祖武成帝湛 ⑤後主周溫公緯 ⑥幼主恒

後周 宇文氏鮮卑宇文部之裔代魏凡五世二十五年禪于隋

安定文公太祖文帝泰

①孝閔帝覺

②世宗明帝統

③高祖武帝邕 ④宣帝贊 ⑤靜帝隋介公闡

隋 楊氏後漢太尉震之後代後周凡三世三十九年加恭帝侑為四帝侑禪于唐恭帝侑禪于鄭

①高祖文帝堅 ②世祖明帝唐謚煬帝廣 元德太子世宗成帝昭

恭帝唐鄭公侑 恭帝鄭淵公侑

唐 李氏西涼公暉之後代隋帝侑凡二十世二百八十九年禪于朱梁

①高祖神堯帝淵 ②太宗文武帝世民 ③高宗天皇治

④中宗哲 ⑤睿宗旦

⑥玄宗隆基 ⑦肅宗曁王重茂

⑧肅宗亨 ⑨代宗豫 ⑩德宗适 ⑪順宗誦 ⑫憲宗純

⑬穆宗恒 ⑭宣宗忱

⑮敬宗湛 ⑯文宗昂 ⑰武宗炎

⑱懿宗淮 ⑲僖宗儂 ⑳昭宗晬 ㉑哀帝梁濟陰王祝

三韓渤海世系

高句麗

高氏三韓創建年代不詳韓史雖皆置之前漢難可確信然他無所考今姑據之以算享國年數高句麗凡二十八世七百五十年為唐高宗所滅

①東明聖王朱蒙 ②瑠璃明王類利

③大武神王無恤 ④閔中王解邑朱

⑤慕本王解憂 ⑥太祖大王宮 ⑦次大王遂成

⑧故國川王男武 ⑨山上王延優

⑩東川王憂位居 ⑪中川王然弗

⑫西川王藥盧

⑬烽上王相夫 ⑭美川王乙弗

⑮故國原王釗

⑯小獸林王丘夫 ⑰故國壤王伊連

⑱廣開土王談德 ⑲長壽王臣璉

⑳早多

㉑文咨明王羅雲

㉒安藏王興安 ㉓安原王寶延

⑳陽原王平成 ㉑平原王陽成

㉒嬰陽王元 ㉓榮留王建武

㉔寶藏王藏

百濟

扶餘氏凡三十一世六百八十一年為唐高宗所滅

①温祚 ②多婁 ③己婁 ④蓋婁

⑤肖古 ⑥仇首

⑦比流 ⑧近肖古 ⑨近仇首

⑩枕流 ⑪辰斯 ⑫古爾 ⑬責替 ⑭汾西 ⑮契

⑯阿花 ⑰直支 ⑱久爾辛 ⑲昆有

⑳蓋鹵王慶 ㉑武寧王隆

㉒聖王明 ㉓文周 ㉔三斤 ㉕東城王牟大

㉖威德王昌

㉗惠王季明

㉘法王宣

㉙武王璋

㉚義慈 ㉛豐

新羅

三姓迭立朴氏十王初三世相繼次四後三昔氏八王初一次四又次三金氏三十八王初一次三十六後一凡五十六世九百九十二年降于後高麗太祖

①朴赫居世 ②南解 ③儒理

④逸聖 ⑤阿達羅 ⑥婆娑 ⑦祇摩

⑧昔脫解 ⑨仇鄒 ⑩伐休

太子滑正 ⑪助賁 ⑫儒禮

⑬沾解 ⑭乞叔 ⑮基臨

⑯奈解 ⑰于老 ⑱訖解

⑲金味鄒 ⑳奈勿 ㉑訥祗

㉒慈悲 ㉓昭智 ㉔智證王智大路

㉕習寶 ㉖智證王智大路

㉗法興王原宗

㉘立宗

㉙新興王多麥宗

太子銅輪 ⑤真平王伯淨 ⑥善德女王德曼

⑦真智王金輪 ⑧文興王龍春 ⑨太宗武烈王春秋 ⑩文武王法敏 ⑪神文王政明

⑫孝昭王理洪 ⑬孝成王承慶 ⑭惠恭王乾運 ⑮昭聖王俊邕 ⑯哀莊王重熙 ⑰宣德王金良相 ⑱神文王政明

⑲聖德王興光 ⑳景德王憲英 ㉑惠恭王乾運 ㉒昭聖王俊邕 ㉓哀莊王重熙 ㉔宣德王金良相 ㉕神文王政明

⑳元聖王金敬信 ㉑奈勿十 ㉒惠忠王仁謙 ㉓惠德王彦昇 ㉔興德王景徽 ㉕忠恭 ㉖閔哀王明 ㉗懿恭王啓明

㉘成德王均貞 ㉙翼成王憲貞 ㉚神武王祐徵 ㉛文聖王慶膺 ㉜憲安王誼靖 ㉝泰封國王弓裔

㉞景文王膺廉 ㉟憲康王景 ㊱孝恭王峽

㊲神德王朴景暉 ㊳阿達羅 ㊴景明王昇英 ㊵景襄王魏膺

㊶敬順王金傳 ㊷文聖王 ㊸五世孫

渤海 大氏凡十四世二百十五年為契丹太祖所滅

㊹高王祚榮 ㊺武王武藝 ㊻文王欽茂 ㊼宏臨 ㊽成王華璵 ㊾定王元瑜 ㊿僖王言義

㊽元義 ㊾從孫 ㊿哀王謹讓

㊽宣王仁秀 ㊾祚榮弟野野 ㊿勃之玄孫 ㊽新德 ㊾彝震 ㊿景王玄錫 ㊽哀王謹讓

諸帝在位年數及年號

晉 十五帝百五十六年

武帝 魏元帝咸熙二年篡位二十五年 秦 惠帝 十七年 永熙一 元康九 永康一

懷帝 永嘉六年 愍帝 建興四年 元帝 六年 建武一 明帝 三年 太寧三 成帝 七年

康帝 建元二年 穆帝 十七年 永和 哀帝 四年 隆和 廢帝 奕

簡文帝 二年 實止一 咸安 孝武帝 二十四年 寧康 安帝 二十二年 隆

恭帝 二年 元熙二 宋 八帝六十年 廢帝 義符 二年 景平二 文帝 二十九年 元嘉 孝武

武帝 晉元熙二年篡位 永初三 廢帝 子業 一年 景和一 明帝 七年 泰始七 廢帝 昱 五年 元徽五

順帝 二年 昇明 齊 七帝二 廢帝 昭業 一年 隆昌一 廢帝 昭文 年 不諭

高帝 宋昇明三年篡位 建元四 武帝 十一年 永明十一 廢帝 昭業 一年 隆昌一 廢帝 昭文 年 不諭

齊 七帝二 武帝 十一年 永明十一 廢帝 昭業 一年 隆昌一 廢帝 昭文 年 不諭

武帝 十一年 永明十一 廢帝 昭業 一年 隆昌一 廢帝 昭文 年 不諭

廢帝 昭業 一年 隆昌一 廢帝 昭文 年 不諭

廢帝 昭文 年 不諭

諸帝在位年數及年號

延興一即隆昌元年也
明帝 四年 建武四
廢帝寶卷 三年 永元三
和帝 一年 中興

梁 四帝五
十六年

武帝 齊中興二年篡位四十八年 天監十八普通七
簡文帝 二年 大寶二
元帝 三年 承聖三

敬帝 三年 紹泰
一太平二

陳 五帝三
十二年

武帝 梁太平二年篡位
文帝 七年 天嘉
廢帝伯宗 二年 光大二
宣帝 十三年 大建

後主叔寶 七年 至德
四禎明三

後魏 十四帝加東魏為十
五帝百五十九年

道武帝 晉孝武帝太元十一年為王十二年 登國十皇始二
明元帝 十四年 永興
五實止四神瑞

太武帝 二十九 始光四神麀四延
文成帝 十三年 興安二實止一
興光一太安五和平六

獻文帝 六年 天安
孝文帝 二十八 延興五實止
宣武帝 十六年 景明
正始永平延昌

孝武帝 二年 永熙
文帝 十七年 大統十七
廢帝欽 三年 無年號
恭帝 二年 無年
號三實止二

孝明帝 十三年 熙平二神龜二
孝莊帝 二年 安永
節閔帝 二年 普泰二
正光五孝昌三武泰一

東魏孝靜帝 魏孝武帝永熙二年立十七年
北齊 六帝二
十八年

文宣帝 東魏武定八年篡
位十年 天保十

廢帝殷 一年 乾明一
孝昭帝 一年 皇建
武成帝 二年 承光一

後主緯 十一年 天統五實
止四武平六隆化一

周 五帝二
十五年

孝閔帝 魏恭帝四年篡位稱
明帝 三年 稱天玉無年號二
武帝 十八年 保
建德六年滅齊
宣帝 一年 天成一
靜帝 二年 大象
三實止二

文帝 周大象三年篡位二十四年 開
煬帝 十四年 大業十四
恭帝侑 稱帝二年 在煬帝在
位之間 義寧二即
大業十三
十四年也

隋 四帝三
十九年

恭帝侗 大業十四年立一年
皇泰二實止一

唐 二十帝併武嬰之
世二百九十年

高祖 隋煬帝大業十四年
太宗 二十三年 貞觀二十三
高宗 三十四年 永徽六顯慶五龍朔三
麟德乾封總章各二咸亨四上元二
儀鳳三調露永隆開
耀永淳弘道各一

中宗 一年 嗣聖一
睿宗 六年 文明光宅俱嗣聖
元年也垂拱四永昌一

周武嬰 十五年

永昌二年改元天授二如意不踰年長壽二延載天冊萬歲
萬歲通天神功各一聖曆二久視一大足不踰年長安五
中宗五年長安五年改
睿

宗二年景雲二
玄宗四十四年先天一即太極元
肅宗六年至德二實止一
憲

代宗十七年廣德二
德宗二十六年建中四
順宗貞元二十一年也
憲

宗十五年
穆宗四年長慶四
敬宗二年寶曆二
文宗十四年太和九開成五
武宗六年會

昌
宣宗十三年大中十三
懿宗十四年咸通十四
僖宗十五年乾符六廣明一
昭宗

十六年龍紀一大順二景福二
乾寧四光化三天復三天祐一
哀帝三年仍用天祐至四



平山政太郎書
江川八左衛門刻


永昌二年改元天授二如意不踰年長壽二延載天冊萬歲萬歲通天神功各一聖曆二久視一大足不踰年長安五

中宗五年

歷代官名沿革表

後周立六官之制名稱異於歷代與寺監臺省之目全不相闕

Table of historical official titles and ranks from the Han to Tang dynasties, including columns for 秦及漢初, 前漢, 後漢, 魏, 晉, 宋, 梁, 後魏, 北齊, 後周, 隋文帝, 隋煬帝, 唐. Rows list various titles like 丞相, 御史大夫, 大將軍, 太尉, etc., with their corresponding ranks and functions.



歷代命品表

Table listing historical ranks and titles across various dynasties including 魏晉宋齊陳, 梁, 後魏北齊隋唐, 後周, and 諸侯官. It includes columns for rank (e.g., 一品, 二品) and class (e.g., 正, 從).

唐百官表

依開元二十五年所制定之諸局署屬吏品卑者多畧之

Main table of Tang Dynasty official ranks (唐百官表) categorized by 省 (Provinces), 寺 (Temples), 監 (Supervisors), 武官 (Military), 東宮 (Eastern Palace), and 官 (Officials). It lists various titles like 太常寺, 大理寺, 御史臺, etc., along with their corresponding ranks and classes.

明治二十二年十二月廿三日印刷 版權所有
同 年 十二月廿七日出版

定價金五十錢

支那通史第三卷下

編者

東京府士族

那珂通世

麹町區中六番町十番地

東京府士族

發行兼
印刷者

宮川保全

日本橋區通塩町八番地

發行所

中央堂

大賣捌

金港堂

全區本町三丁目



